

LIKA ZE KABA TEÑI

 Ku Muzwale Boone ni kopano, le luli ki—ki litohonolo lelituna ku na kuli ni kute mwa San Bernardino hape. Sibaka si bulukile likupuzo zetuna zeñata za mazazi afelile. Ni ka ku utwa kuli, poto kwanu, mi i sa na ni susumezo yepila, kiñi, luli li mi eza kuikutwa tabo kuli Mulena u lu etelezi ka nzila ye, myaha ya kwa mulaho.

² Ne ni inzi fela mwani mwa kuyemisa limota, ona fa cwale, ni lika kuhupula iliñwi ya likezahalo zene ezahalile. Nekuna ni musala Bo. Isaacson yana bile mutoloki wa kwa Finland, kwa mukopano wa si Finnish, mi ataha kwa mota hane Ni zwa fela. Mi ki hali, “Linzwi la hao la kwa Finland.” Mi ha Ni zibi fela haiba musala Bo. Isaacsonn upila kwanu. Ne ni sa zibi. Na si ke kuba teni busihu bwa kacenu, Na sepa? Musala bo. May Isaacson, mi u zwa kwa Finland.

³ Mi cwale nto yeñwi yende ye ni to hupula, neli muweta wa mwanana mo ku lekiswa lico mo Ni celanga, kokuñwi fakaufi, ba biza kuli Antlers Hotel. Ni lumela kuli ki yona, cwale. Mi kalibe yomunyinyani yani na... Ne ni sweli ku lapela ni yena. Nana ni... Yena, kalibe yomunde yomunyinyani, kono na si Mukreste. Ne ni mu memile kwa mukopano. Mi na timelisize mwana hae, mi Ni lumela kuli muuna hae, ne ba kauhani. Mi ne lu lapela kuli ba utwane ni muuna hae, kamba haiba ne ba ka kutisana, hamoho. Kacwalo, Ha ni zibi fela haiba kalibe yani wakona kubateni. Mwabona? Ki...

⁴ Mi cwale kezahalo yeñwi ya ezahala, neli mbututu yomunyinyani yana tisizwe kuzwa kusili kokuñwi, mwendi musipili wa kundilaiba lizazi mutumbi. Mi ne se i shwile, mi na inzi mwa mazoho a mahe. Mi a kutiswa kwa bupilo. Kana sani... Kana mutu yani na liteni kulo mo? Mi a taha, Na sepa, na zwa kwa neku *le*, fakaufi, neli fa ñambamo nyana kwanu. Mi me yani na zamaisize mota busihu kaufela, mi ndatahe, ni mahe yomunyinyani bainzi fani, ka bumai, inge aswalezei mbututu wa hae, ya shwile. Mi Na hupula kuli, “Haki tumelo ni yeo!” Kambe Ne nili muipi yomutuna hahulu mwa lifasi, Mulimu na ka tokomela tumelo ya bo mahe yani.

Kuswala mbututu yani mwa mazoho aka, sina *cwana*, inze ni lapela. Ya futumala, ya kala ku zamaya, ya kwalula meeto a yona. Na mukutiseza ku mahe. Kacwalo, ne ba zwa kusili. Ha ni sepi kuli ne bali Mapentekota, mane. Nebali fela... Ni lumela kuli neli fela keleke cwalo, kuli be ba zwa... Ha ni zibi haiba nebali Bakreste, kamba nee. Ne ni si ka ba buza. Ne ni ikutwile fela hande za mbututu ha kutela kwa bupilo hape.

Kuzwelela ona fani, Muzwale Boone, mezi amañata a bulile mwa nuka zeñata liezahalile. Kono lu sa sebeleza Mulimu ya swana Ya siyala ali ya swana maabani, kacenu, ni kuyakuile.

⁵ Inge ni talima fela kwa ni kwa, ni bona Muzwale Leroy Kopp yainzi fa. Ki nako yapili ha Ni mu bona fa nako yetelele. [Muzwale uli, “Kiyo Paul Kopp fa.”—Mu.] Paul. Yeo ki niti. Leroy ki ndataho. Yeo ki niti. [“Mi yena—yena umwa Russia, busihu boo, kacwalo mu lapelele kwateni.”] Oh, mawi! Russia. Kihande, sani kikuli, Na ziba, musole yomutuna yo fani, uteni mwa musebezi wa Mulena. [“Kulukile.”] Kacwalo, Ni tabile hahulu fa kuba mo ni ku utwa mukutazi yomunyinyani yo ha bulela kuli na susumelizwe ki bulumiwa bo ne lu nani nako ye ne luli kwanu. Ha ki tabo ni yeo!

Mi Ni sepa cwale, kuli, ka kuziba kuli luna ni... Sicaba si yemi, mi haluna kuliyeha hahulu. Lu hupula lisebelezo zetuna za foliso zani.

⁶ Mi, Ni utwisia kuli kuna ni—ni—ni muzwale mo mwa silalandia, kokuñwi, ya na ni mukopano wa sikundi sa foliso, ki Muzwale Leroy Jenkins. Na sepa ki cona. Mi kacwalo Ni itumela hahulu, ka kusepa kuli Mulena usweli ku mu fuyola ni ku mufa sebelezo yetuna, yetuna. Ki...

Mawi, Ni utwile ku kutekiwa luli, busihu boo, ka kutaha mwa keleke sina cwana. Na kamita ni ikutwanga hande mwa keleke kufita mo Ni utwelanga mwa miyaho yani. Kuna ni, cwale, hakuna se ni nyaza mwa muyaho. Kono, mwa ziba, Na... Ikona kuba kuakaleza fela, kamba Ni fela... Kubonahala kuna inge niti. Mwabona? Yona... Ha u ya mwa miyaho yani mo ku na ni lindwa, kulwana, malikanyiso a sehisa, lika kaufela inge liezahala, mioya ye maswe ibonahala kuba mwa libaka zani. Cwale, yeo ikona kubonahala inge buhata, kono ha i cwalo. Kono ha u taha mwa keleke, uka... hañata, sihulu kopani ya moyo, mo i bonahalela, fo kikuli, u—u ikutwa kuba ni tukuluho hahulu, inge kuli kuna—kuna ni sesiñwi. Pta ya Mulimu i mwateni. Mwa ziba, ku bonahala shutano. Ha ni zibi tasezo yeliteni fa muyaho, kono ki koo ku kopanela sicaba. Kakuli, batu baba swana bateni kwani, kono mwa libaka ze maswe zeo. Mwendi ki na fela ya nahana cwalo. Kono, nihakuli cwalo, Ni tabile fa kuba mo busihu cwana.

⁷ Mi cwale lubata ku sa mi inisa nako yetelele hahulu, kakuli sicaba si yemi. Mi lu ka bona kuli, kamuso busihu, kwa sibaka sesiñwi kwanu. Ha Ni zibi mane ko siinezi. Ki fa kaufu kwanu. [Muzwale uli, “Orange Show Auditorium.”—Mu.] Kai? [“Orange Show Auditorium.”] Orange Show Auditorium, kwa lisebelezo busihu kamuso. Ni... Se ki mwahala, Ni ka ambola kwa sikhata sa bapoti ba—ba Baana ba Pisinisi Ya Evangelii Yetzezi. Bao, Ni bile ni litohonolo la kuambola kubona hala lifasi, ka bona. Mi

kacwalo kulo mwani, ki mulikana na yomunde ya lu memile kwanu, mi lu tabile kuba mwa sibaka se busihu cwana.

⁸ Cwale, lu si ka apula kale Bibele... Cwale, mutu kaufela yana ni mata mwa mubili wakona ku I apula sina *cwana*. Mwabona? Kono si lwala Moya o Kenile kuli akwalule Linzwi ku luna, ku kwalula kutwisiso ya luna ni kupatulula Mañolo. Ni lumela mwa Bibele. Ni lumela kuli Ki Linzwi la Mulimu. Mi Ni lumela kuli lifasi, kamba sicaba sa lifasi, si ka atulwa zazi leliñwi ka Linzwi le. Cwale, zeo likona kubonahala bunca. Cwale, kuna ni zeñata ze shutana ni muhupulo woo.

⁹ Ne ni sweli kuambola ni mulikana ka ya ishuwile luli, ha ki kale hahulu, yali wa Katolika. Mi ki hali, "Mulimu uka atula lifasi ka keleke ya Katolika." Haiba ku cwalo, ki keleke ifi ya Katolika? Mwabona? Kacwalo, haiba A li atula ka ba Methodist, kona kuli kucwani he ku ba Baptist? Mwabona? Haiba A li atula ka alimuñwi, yomuñwi u latehile. Kacwalo, kuna ni kulyangana kokutuna hahulu mwateni.

Kono luna ni kuya ku Lona, kuli lu fumane mubulelelo wa—wa niti, mi Bibebe ibulela kuli Mulimu uka atula lifasi ka Jesu Kreste. Mi ki Yena Linzwi. Muhalalehi Joani 1, "Kwa simuluho nekuna ni Linzwi, mi Linzwi na li ku Mulimu, mi Linzwi neli Mulimu. Mi Linzwi a ezwa nama, mi a to yaha ku luna." Mi Maheberu 13:8 ili, "Ki ya swana maabani, kacenu, ni kuyakuile." Mi Ni lumela kuli yeo ki Niti. Cwale, Ni lumela kuli mwa . . .

¹⁰ Mulimu, kwa simuluho, ka kuba Mulimu ya sa feli; Yena ki ya sa feli mi . . . kamba ya sa feli, nitaluse. Ki luna kuna ni fo lu feleza. Munahano wa hae ki o mutuna hahulu, mi luna, mwa minahano ya luna ye na ni mafelelezo, ha lu utwisisi butali bwa Hae, bo busafeli. Kono kabakaleo, Ha bulela sika, ikona kubonahala bunca ku luna, ku Mu utwa ha bulela sika sesiñwi mwa Mañolo, kono sina ni kuezahala. Ni lumela kuli Manzwi a Hae haana kufela. Kabakaleo, Ni lumela kuli Mulimu, ka kuziba kuli luna mwa ngana ya luna ye nyinyani ye ne ni mafelelezo ne lu sa koni kutoloka mihipupo ya Hae—Hae yetuna, Wa itolokelanga Linzwi la Hae Tota. Hatokwi mutoloki ni yomukana. Utolokanga Linzwi la Hae Tota, ka kupaka Linzwi leo mwa mwaha wa Lona.

¹¹ Na lumela cwalo, Mulimu, kwa simuluho, kuli Nuwe nali Linzwi la lizazi lani, la Liñusa la Hae.

Cwale, kasamulaho wa fani, kwa taha Mushe. Cwale, Mushe na si ka nga Linzwi la Nuwe. Na si ka yaha sisepe ni ku ba cimbaukisa mwa Egepita, ku yopunya kwa Nuka ya Nile, kamba kwa naha ya sepiso, ni zeñwi cwalo. Liñusa la hae ne li si ka beleka mwa lizazi la Nuwe; sani neli siemba sa Linzwi la Mulimu lene li pakiwa kuba la Niti ka Mushe.

Mane ni yena Jesu na si ka ba ni Linzwi la Mushe. Mi ni . . . Luther na si ke aba ni linzwi la keleke ya Katolika. Wesley, na sa

koni kulwala Linzwi la Luther. Mi ba Pentekota, ne ba si ka nga Linzwi la Methodist. Bona . . . Mwabona?

Keleke ya hula. Lusika lufi ni lufi, lu tomezwi mwa Mañolo moo. Kacwalo, Mulimu, ka Moya o Kenile, upatulula Linzwi la Hae, ka ku Li bonahaza ni ku Li paka, yena Kasibili, kubonisa kuli Ki Linzwi la Hae le li tiswa mwa lizazi le Li sepisizwe.

¹² Jesu na bulezzi cwalo. Na ize, “Haiba ha mu Ni lumeli, mulumele misebezi ye Ni eza,” kakuli ipaka Yo nili Yena, mwabona, haiba mutu na ka ziba Mañolo.

Cwale, Na tile ka kuipitela hahulu, ki ka bunca luli, kuli sicaba ne si sa lati ku Mu lumela, kakuli, “Yena, kakuba Mutu, na Ikeza kuba Mulimu.”

Kacwalo, Nali Mulimu, mwa mufuta. “Mulimu nali ku Kreste, inza kutisana lipilu ni lifasi ku Yena.”

“Mi hakuna mutu ya kona kueza misebezi ye kusina Mulimu kuba ni yena,” sina ha lu ziba Nekudema na bulezzi cwalo. Kuli, ba Sanhedrin neba lumela cwalo.

¹³ Cwale, lu ziba cwalo, Linzwi lani . . . Haiba ne ba ka ziba Linzwi! Mi ali, “Kambe mu zibile Mushe, ne mu ka Ni ziba, kakuli Mushe u ñozi za Ka.” Mi lwa talima. Kambe ne ba ka talima kwa mulaho mwa Mañolo, kubona sa na lukela kueza Mesia, kona kuli neba ka Mu ziba ka bupaki, bwa kuli, “Mulimu, ka Kreste, na kutisana lipilu ni lifasi ku Yena,” ni kutisa lisepiso kaufela ze ne li za Mesia, za Na lukela kueza. Jesu na pakile Linzwi lani, kueza kuli Linzwi lani lipile ka lizazi lani.

¹⁴ Mi Ni lumela kuli yeo kona nto yeswana ye lupila ku yona kacenu: Mulimu inza pakelana ni Linzwi la Hae, ka kupaka sa Na bulezzi kuli U ka si eza. Cwale, lu ziba kuli le ki lizazi la piliso, koo Mulimu abiza batu kuzwa mwa lifasi, kuzwa mwa bupilo bwa sibi, kutaha kwa bupilo bwa sebelezo. Mi ka lizazi leo Mulimu a suluzi Moya wa Hae kuzwa kwa Lihalimu, lisupo zetuna ni ze komokisa li lukela ku zamaelela ni bulumiwa bwa lizazi le. Ye ki . . . pula ya masehulo ni pula ya mwa mulaho, hamoho. Mi lu ziba kuli ku lukela kuba lisupo zetuna ni ze komokisa. Mane, mwa likopano zetuna zeñata, Se si hanilwe.

Kono Ni itumezi hahulu kwa likwalo ze kwaluhile ze Ni nani zee, za kukena kuzona, ni susumezo ye lifa kwa micaha sina mulisana wa mina mo. Ki yena ya litisize . . . Sina ha Ni kala ku supala, ni kuziba kuli mazazi aka a balilwe, ni kuziba cwale kuli mitangana ba bakona kunga Liñusa le ni ku Li hasanya kuisa kwa Kutaha kwa Mulena, haiba Ha tahi mwa lusika lwa ka. Mo, Ni sepa ku Mu bona. Ni Mu libelezi zazi ni zazi, mutualime, ni nze ni libelezi hola yani.

¹⁵ Cwale ha lu amboleñi ku Mukalisi lu si ka bala kale Buka ya Hae, halunze luinamisa litoho zaluna.

Ndate yakwa Lihalimu, lu itumela ku Wena, ka kuba baba pila busihu boo, fa ku kutela kwa munzi tuna woo. Kuina mo ka kutilima pono yende ya malundu, kutilima mwahalimu ni kubona mbundu ya litwa, ni matali atubula a mubala wa bufubelu, ka nako yeswana, ha ki lifasi kwa bunde Lo lufule kuli lupile kulona! Ni ka mo lubonela kuli mutu mwa lyanganiselize ni—ni kueza lika mwa lifasi, si lu tiseza kuikutwa maswabi, Ndate.

Ki luna ba, busihu cwana, kulika kutisa mata aluna, kulika kueza kuli batu ba bone nto yetuna ye yona yaezize Mulimu, ni kuziba kuli kuna ni nto yetuna fela kwabuse. Halu talimeñi ku sani, busihu bwa kacenu, Ndate, halunze lu sikuluhela kwa Linzwi la Hao ni kubala. Lwa kona ku Li bala, Ndate, kono lumeleza Moya o Kenile ku I patulula ku luna ka sinulo. Kakuli lu kupa ka Libizo la Jesu. Amen.

¹⁶ Cwale, mina baba tabelia kuñolanga litaba, mi—mi ni kubala Mañolo ni mukutazi, sina—sina kamita mo ba Li balela. Mi ne kubanga kuli, hane Ni... myaha yefitile, Ne ni sa ñolangi Mañolo aka, ni zeñwi cwalo. Kono se Ni supezi nyana kuzwa fani. Mwabona? Kona ni sa zo fitelela lilimo ze mashumi amabeli ka ze ketalizoho, cwanoñu nyana, lilimo ze mashumi amabeli ka ze ketalizoho zefitile. Kacwalo, iba nto yetata nyana. Kono Ni sa lika kuswalelola kwa lika kaufela ze Ni ziba mwa kuezeza mwa Linzwi la Hae, kufitela A ni biza.

¹⁷ Cwale, ha lu apuleñi ku Muñoli Joani kauhanyo ya 14, Liñolo leli zibahala hande le lubata kubala busihu boo, kuli lunge taba mwateri Mo, haiba Mulena alata. Mane kaufela lwa i ziba se. Ku bonahala kuli, linako zeñata, i itusisizwe mwa lisebelezo za maswabi. Haiba ku kile kwa ba nako ye Ni tabela kukuta fa sebelezo ya maswabi, ikona kuba kwa lifasi ona le. Ha i shwe mi i pepwe sincia. Muñoli Joani 14:1 kufita fa 7, Na lumela, Ni i ñozi fa.

Lipilu za mina li si ke za filikana: haiba mu lumela ku Mulimu, mu lumele cwalo ni kuna.

Miyaho ki ye miñata mwa munzi wa Ndate:...kabe ku si cwalo, kabe Ni mi bulelezi. Ni sa yo mi lukiseza sibaka.

Mi Ni si yo ya ni ku mi lukiseza sibaka, ni ka kuta, Ni to minga; kuli mo Ni inzi, ni mina mu be kwateni.

...mi mu ziba Mo ni ya, ni nzila mwa i ziba.

Tomasi ali ku yena, Mulena, lwa ziba...ko u ya; lu ka ziba cwani nzila ya kwateñi?

Jesu ali ku yena, Kina nzila, ni niti, ni bupilo: hakuna mutu ya taha ku Ndate, kono ka na.

Kabe mu ni zibile, kabe mu zibile ni yena Ndate: mi ku kala cwale mwa mu ziba, mi mu muboni.

Cwale Mulena aekeze limbuyoti za Hae kwa palo ya Linzwi la Hae. Mi luka swanisia ku Lona hape, mwa linako halunze lu ya cwalo, halunze lu bata fela kubulela tuto nyana kwa Keleke.

¹⁸ Maabani manzibwana, Ne nili mwa Yuma, Arizona, kwani, seli lapa laka cwale. Na—Na . . . Hane Ni li kwanu sapili Ne ni pila kwa Jeffersonville, Indiana. Cwale Ni bile kwa Arizona, ka pono yene ni lumile kwani, myaha nyana yefitile. Mi lupila kwani cwale. Ha nina keleke kulo kwani.

Muzwale Green, muzwale yainzi kwanu ni luna, u yahile tabernakele koo . . . ilimuñwi ya ba Assemblies of God, keleke yeli mwa sicaba sa litekisa, ya ba Assemblies. Ba swalisan, mi Ni sepa kuli kaufela ba lumelelani ni Muzwale Brock ni Muzwale Gilmore, ba siile keleke ye i atami. Mi Muzwale Pearry Green, yazwa—kuzwa kwa Texas, ataha mi anga sibaka, ili ya swalisan ni luna. Lu tabile ka kuziba kuli—kuli Muzwale Green u kwaluzi keleke ye ne kwalilwe.

¹⁹ Mi maabani busihu, ne ni ambola kwa Yuma kwa Baana ba Pisinisi ya Sikreste, Ne ni bulezi fa tuto ya *Kungelwa*. Cwale, yeo ikona kuba tuto yenca ku ibulela mwahala, kwa—kwa mukiti, kono buñata bwa batu kaufela ne li Bakreste. Mi cwalo kona mo kuinezi mwa mikopano ye ona cwalo, kamba mwa—mwa keleke. Ha ni kona ku bulela kuli cwale, “Ki babakai ba mina Bakreste?” Mane lizoho kaufela ne li ka nanuha. Mina mu Bakreste. Mi kacwalo, haiba lu Bakreste, Ni sepa kuli lu lukela ku zibisezwa scimo. Ha luswaneli fela ku inuhelanga lika. Lwa lemuswa seo bukamuso bwa luna bu ka ba sona.

²⁰ Mi Ni bata kubulela fa taba yeo busihu boo. Mi tuto ikaba yakuli: *Lika Ze Kaba Teñi*. Mi cwale, ka kubulela maabani busihu fa *Kungelwa*, kacwalo busihu boo, Ni bata kuambola fa tuto ye, kuli Ni kone ku itamahanya hamoho ni Liñusa la maabani busihu. Cwale, ku kaba ni *Kungelwa*, lwa ziba cwalo. Koo ki kwapili, ikaba tebi.

²¹ Cwale, Jesu fa wa bulela, kaza kuli, U i lo lu lukiseza sibaka. “Lipilu za mina li si ke za filikana.” Cwale, Na ambola kwa Majuda. Ali, “Cwale, mu lumezi ku Mulimu, mu lumele hape ni ku Na. Ona mo mu lumelezi ku Mulimu, mulumele ni ku Na, kakuli Ni Mwana Mulimu.” Mwabona? “Mi, Mulimu,” ka manzwi amañwi, “Na ni Ndate lu nto Iliñwi. Kikuli Ndate u pila ku Na. Mi se mubona si ezahala, se Ni eza, ha ki Na, ki Ndate ya pila ku Na. Ki yena ya eza misebezi.”

“Mulimu na li ku Kreste, ha kutiseza lifsai ku Yena.”

²² Ne kuli bunolo kwa Majuda bani bene ba lutilwe, mwah masika, ku lumela kuli nekuna ni Mulimu yomutuna ya ipitezi. Kono ka kunahana kuli Mulimu natilefafasi mi na iponahaza Iliyena ka kufitela ku mutu wa Mwana Hae, Jesu Kreste, Mulimu na yahile mwa mubili wa nama, yani neli nto yenyinyani hahulu kuli ba—ba utwisise.

Kono ki Hali, “Cwale, sina ha mu lumezi ku Mulimu, mu lumele hape ni ku Na. Kakuli mwa ndu ya Ndate kuna ni miyaho ki yemiñata, mi Ni sa yo mi lukiseza sibaka.” Bupilo bwa Jesu ne bu libelela kufela, fa lifasi fa.

Na bonisize sicaba, ni ku paka ku bona, kuli Nali yena Jehova ya bonahalile mwa nama, ka lisupo zetuna ni ze komokisa, ni mufuta wa Bibele ya Na swanisisa ku yona, ku Yena muñi. Mi A paka kuli Nali Mulimu, ya bonahalile.

Cwale Na ize, “Ha mu bona bupilo bwa Ka bu fela, bu fela ka mulelo. Mi Ni sa ya, ku yo mi lukiseza sibaka; kuli mo Ni inzi, ni mina mu be mwateñi.” Jesu kanti u bulelela balutiwa ba Hae kuli bupilo bo ha bu feleleli mwa lifu.

²³ Cwale, ka kubulela cwana ye neli palo ya maswabi. Muhupule, luna, lifu liinzi fapila luna, mi ha lu zibi kamba ku kona kuba babañwi mwa muyaho wo busihu cwana babasike ba zwa mo inge ba pila, mwa bupilo bwa nama bo. Kona mo li bezi ze sa zibahaleli. Mizuzu iketalizoho kuzwa cwale, ikona kuba mwanana yani, yaiketile fela hande, batu babanca mwahali mo bakona kuba litupu mwa mizuzu ye ketalizoho kuzwa cwale. Yeo ki niti. Mi hape, ikona kuba mwa mizuzu iketalizoho kuzwa cwale, lukona kuba kaufela luna mwa Kenya. Ha lu zibi fela. Zeo li mwa mazoho a Mulimu. Jesu naize kuli Na sa zibi, Yena kasibili, nako yani ha ne ika kwaba, kono, “Zani nelili mwa mazoho a Ndate fela.”

²⁴ Cwale, kono, Na ba bulelela, kuli, mwa mulaho wa lifu kuna ni bupilo. Kakuli, “Ni ya ku yo lukisa sibaka,” fo kikuli, ku yo ba amuhela, ku bonisa kuli kwani, Na ambola ku bona, kuli nekuna ni—ni bupilo kasamulaho bupilo bo bufela. Mi ha ki tiisezo ni yeo yelukela kufiwa ku luna kaufela, ka kuziba kuli, kasamulaho bupilo bo bu fela, kuna ni bupilo, bo lu kena ku bona. Mi ha uya u hula kusupala, zeo liba ka buniti ku wena. Ha ukala kubona mazazi a bupilo bwa hao a atumela, kipeto akala kuba, u kala kulonga kuitukisa, kuitukiseza nako tuna yani. Seli cwale... Ki zwelopili ya bupilo bo bu swana bo mwa lifasi leliñwi, sibaka sesiñwi.

²⁵ Kupepwa kwa hao fa ne ku lukisizwe kale. Na sepa mwa lumela cwalo. Mañi ni mañi wa mina u ziba kuli kupepwa kwa luna ne ku lukisizwe kale. Kana mwa ziba kuli kuba teñi kwa hao fa ne ku si ka ba ka litangu kamba munahano fela? Lik kaufela ne li lukisizwe kale ki Mulimu, ku si ka ba kale mutomo wa lifasi, kuli u kaba teni fa. Mulimu ya sa palelwi wa ziba. Mi ka kuba—kuba ya sa feli, Nana ni kuziba mununu kaufela o no kaba mwa lifasi, ni linako zo no ka koba meto a ona. Koo ki ku sa fela. Mwabona? Wena, luna mihipulo nyana—nyana ya luna, haikoni ku utwisisa seo *kusafela* kuli kona. Mulimu ya sa feli, Na ziba lika kamukana. Kabakaleo, hakuna se si zwile mwa nzila.

²⁶ Haiba lu ziba Linzwi la Mulimu, lu ziba fo lupila. Lu ziba hola ye lupila ku yona. Lwa ziba ze li kwapili. Lwa bona ze lu fitelezi. Mi Buka ya Mulimu ki sinulo ya Jesu Kreste; Misebezi ya hae mwahala masika, yani neli ya Buka ya Sinulo, mi ni lisepiso za Hae ze sa taha. Kacwalo, lisepiso za Hae kaufela ki za niti. Mulimu hakoni kubulela Linzwi kaufela kusina kuli Li pakiwe. Linzwi kaufela La bulela lina ni ku ezahala. Kusikaba kale mutomo wa lifasi . . .

²⁷ Batu babañwi ba zwakanisa Genese, kwani, ha na bulezzi kuli, "Mulimu wa kutelanga Iliyena." Batili. Fela, ha u utwisisi. Mwabona?

Mulimu, kwa simuluhu, Na ize, "Hakube sa kuli. Hakube sa kuli. Hakube sa kuli." Lifasi ne li unsufezi fela, mwa butata. Neba ha Na bulezzi kuli, "Ha ku be liseli," kwa kona kuba myaha ye mianda anda liseli li si ka taha kale. Kono ha Na li bulezzi, lina ni kuezahala. Lina ni kuba ona cwalo. Mwabona? Mi ha Na bulezzi Linzwi la Hae. Lipeu zani nelili mwataswa mezi. Ha Ne ku omile mwa lifasi, mi lipeu za taha. Sa bulela sina ni kuezahala.

²⁸ Na ize, kuya ka bapolofita. Ne ni swanisize ku yona maabani manzibwana. Sina, ha lu nga Isaya, na ize, "Mwalanje uka itwala." Ki mañi yana ka nahana, ka muuna yana hupulwa mwahala sicaba, ku bulela linzwi leli cwalo, "Mwalanje uka itwala"? Kono kakuli uka . . .

Mupolofita ki siiponi sa Mulimu. U buplwe cwalo kuli asike abulela manzwi a hae fela. Ana ni kuba Manzwi a Mulimu a bulela. Yena uswana fela sina siiponi, mi yena ki mulomo wa Mulimu.

Mi kaewalo, kabakaleo, na ize, "Mwalanje uka itwala." Na sa li utwisisi mwendi, kono Mulimu na li bulezzi ka yena. Kakuli, Na sepisize kuli, "Hakuna sa ka eza konji ha Na Si patululela kwa batanga ba Hae bona bapolofita." Mi, ha na bulezzi cwalo, neli myaha ye mianda ye eti zeo li si ka ezahala kale. Kono ne li tilo ezahala.

Ka kufeleleza, Manzwi a Mulimu ani a to lumelana ni mba ya mwalanje, mi a itwala mane a pepa Emanuele. "Ku luna lu-lu pepezwi Mwana, lu filwe wa Mushimani. Libizo la Hae li ka bizwa, 'Muelezi,' 'Mulimu yamata,' 'Mulena wa Kozo,' 'Ndate wa kamita.'" Yani neina ni kuba ona cwalo, kakuli Mulimu na li bulezzi ka mulomo wa bapolofita ba Hae. Mi Manzwi a Mulimu kaufela ana ni kutalelezwa.

Kabakaleo, lu ziba kuli Jesu u i lo lukisa sibaka, ku to amuhela sicaba ku Yena. Bao sicaba sani sili sona, Ni sepa kuli lu siemba sa sicaba seo busihu boo. Haiba ha ki cwalo, mulikana ka, Mulimu u lukisize nzila, kuli, u baliwe mwateni haiba u bata cwalo. Una ni mata a ku iketela. Wakona kueza mo latela kaufela. Kono cwale mulemuhe, cwale, mwa lifasi le lelina ni kutaha le. Kuna ni lifasi le litaha.

²⁹ Inge fela kupepwa kwa hao fa, Ni ize, no lukisizwe. Mulimu na zibile kuli ukaba fa.

Mi cwale wa ziba, nihaiba lika ze ne ba ezize bashemi ba hao, cwale, batu ba hupula kuli koo ha ki kupotela lusika lo kuisa ku loluñwi, ki cona.

³⁰ Mwa Buka ya Maheberu, Na lumela, mwendi ki mwa kauhanyo ya 7, ya bulela, ki Paulusi mwani, bañoli, Na lumela neli yona, ne ba ambola fa—fa nako yetuna ye ne ezahalile ni Abrahama, kuli na lifile sa bulishumi ku Melekisedeke, fani ha kuta kwa kubulaya mulena. Mi cwale a bulela, kuli, “Levi nali mwa liteka za Abrahama, nako ya katana Melekisedeke, ha zwa kwa ku bulaya malena.” Mi cwale abulela kuli kuli “Ki Levi ya na lifile sa bulishumi, hape, ha na sa li mwa liteka za Abrahama,” yena kuku-wa-kuku wa hae yomutuna.

Mi upotela libi za sicaba fahalimwa bana ba—ba bona, kuzwa mwa lusika lo kuisa lusika loluñwi, ba ba si ke ba buluka Linzwi la Hae. Mwabona?

³¹ Ne mu hupuzwi fela ki Mulimu kaufela. Hakuna se si ezahala ka kozi, ku Mulimu. U ziba zateni kaufela. Kaufela li lukisizwe kale, kulukisezwa isali myaha ya kwa mulaho, kuli u be teñi mo busihu cwana. Kana mwa ziba cwalo? [Kopano ili, “Amen.”—Mu.]

Unahane fela, kuli, wena, ka nako iliñwi . . . Ni ka kutela se hape. Wena, ka nako yeñwi, noli ku bondataho, mwa misinga ya bondataho. Cwale, ne ba sa ku zibi ka nako yani, kamba nihaiba kuli u ba zibe ka nako yani. Kono, mwa bona, kona kuli no beilwe mwa sibaka sa kuhulela, mwa mba ya maho, kuya ka linyalo le li kenile. Mi kipeto u ba mutu ya bonahalile mwa siswaniso inge ndataho, mi ku ba ni tamahano.

³² Cwale, nzila fela yo kona kuba mwana mushimani ka yona, kuba mwana musizana wa Mulimu, kakuli una ni kuba ni . . . kuba ni Bupilo Bobusafeli. Mi kuna ni fela mufuta ulimuñwi wa Bupilo Bobusafeli, mi bwani ki Bupilo bwa Mulimu. Ki mufuta fela ulimuñwi wa Bupilo Bobusafeli, yani neli Mulimu. Kwani, kuba mwana Mulimu, no lukela kuba ku Yena kamita. Peu ya Bupilo bwa hao, Bupilo bwa moyo, busihu boo, neili ku Mulimu, yena Ndate, mane kusikaba kale ni towati yepila. Mwabona? Mi ha u sesiñwi kwanda kuba ponahazo ya buino bwa Bupilo bone buli ku Mulimu, kakuba mwana Mulimu.

Cwale u bonahalile, foo Linzwi la Hae ha se li tile ku wena, ku to Tukisa lusika loo, wena u ponahazo: Bupilo bwa Mulimu ku wena, kakuli u mwana mushimani kamba wa musizana wa Mulimu. Kabakaleo, mwa utwa ze Ni talusa? [Kopano ili, “Amen.”—Mu.] Mwabona? U inzi mwa . . . U bupilwe cwale, u inzi mwa keleke mo, busihu boo, kakuli musebezi wa hao ki kubonahalisa Mulimu kwa naха ye ni kwa sicaba se, ni batu bo pila mabapa ni bona.

Kaufela ko uinzi, Mulimu na ziba kuli ukaba mo, kakuli una ni kuba alimuñwi wa misinga ya Hae, kamba milelo ya Hae. U na ni kuba cwalo. Haiba ukile, haiba una ni Bupilo Bobusafeli, kona kuli kamita Neli Bupilo Bobusafeli. Mi Mulimu, ku si ka ba kale mutomo, lifasi, na zibile kuli ne u ka ba kwanu. Mi cwale Linzwi, kamba mezi, “kutapiswa ka mezi a Linzwi” a suluhela fahalimwa hao—hao, kwa bonahaliswa mwa sibupiwa. Cwale una ni kopano ni Ndataho, Mulimu, inge fela mo be zi ni ndataho wa lifasi. Mwabona? Mina mu ba naha ya Mulena; isiñi ba naha, kono mu bana, bana ba bashimani ni basizana ba Mulimu yapila, haibaki kuli Bupilo Bobusafeli bu pila ku mina.

Cwale, he, haiba Nekuli cwalo, Jesu nali mutalelela wa Mulimu ya bonahalile. Nali mutalelela wa toho ya Bumulimu ka mibili. Kabakaleo, ha Na tile mwa lifasi mi a bonahala mwa nama, nemuli ku Yena kwani, kakuli Nali yena Linzwi. “Kwa simuluho nekuna ni Linzwi; mi Linzwi nali ku Mulimu, mi Linzwi neli Mulimu. Mi Linzwi a ezwa nama, mi a to yaha ku luna.” Linzwi ne li ezipwe nama. Kabakaleo, no zamaile ni Yena, ha no li ku Yena, fani ha Na li fa lifasi. Wa nyanda ni Yena, mi wa shwa ni Yena. Wa pumbekwa ni Yena. Mi cwale u zuhile ni Yena, ni kubonahalisa milelo ya Mulimu, uinzi mwa libaka za Lihalimu; zuhile kale, u zuhezi mwa Bupilo bobunca, mi uinzi mwa libaka za Lihalimu ku Kreste Jesu. Oh, seo si talusa nto yetuna luli, mazazi aa, Keleke! Seo si talusa nto yetuna luli kuluna, ka kuipona lubeilwe hande ku Jesu Kreste!

³³ Cwale, haiba lu milelo ya Mulimu yeo, halukoni kupila ka lituto za litumelo. Halukoni kupila ka likopano. Lu lukela kupila ka Linzwi, kakuli Munyaliwa ki siemba sa Munyali, sina musali kaufela mwabezi siemba sa muuna hae. Kabakaleo, lu lukela kuba Munyaliwa wa Linzwi yani. Mi Munyaliwa wa Linzwi yani ki sikamañi? Ponahazo ya hola ye, Munyaliwa, isiñi tuto ya tumelo kamba kopano; kono mutanga Mulimu yapila, muhupulo wa Mulimu, ku bonisa kwa lifasi milelo ya Mulimu, mwa sibupiwa sa Munyaliwa ya lukela kubonahala mwa hola yelupila kuyona yee cwale.

³⁴ Martin Luther na si ka bonisa milelo ye lu bonisa, kakuli sani ne sili kwa simuluho, zuho, sina peu ya mbonyi ye ne wezi mwa mubu.

³⁵ Cwale, lu bulela se hape. Mu balile buka yateni, yeo ma German basweli ku ni seha ka yona, ni kubulela kuli ne ni li mufitelezi wa tumelo. Na li—na Iwanisa lika kaufela ze bizwa kuli Mulimu, mane nihaiba ku keshebisa Mulimu. Ali, “Mulimu ya na ka kwalula Liwate Lelifubelu ni,” ali, “a lamulele sicaba sa Hae si zamaye; ni kuina aputile mazoho a Hae fa mba, ni kutuhela (kufita mwa masika a lififi) batu bani kaufela ba shwa ni ku nyanda, bana babanyinyani bani ba ciwa ki litau.”

³⁶ Mwa bona, tukiso kaufela—kaufela, Keleke kaufela, i yahilwe fa sinulo ya Bumulimu. Jesu naize, ku Muñoli Mateu, kauhanyo yabu 16, “Nama ni mali ha li si ka ku patululela zona, kono ki Ñdate ya mwa Lihalimu ya ku patululezi seo.” Neli sikamañi sani? Neli sinulo ya Yo nali Yena. “Mi fahalimwa licwe le, Ni ka yaha Keleke ya Ka, mi minyako ya lihele haina ku I koma.” Mwabona?

Sinulo ya Jesu Kreste mwa hola ye, isiñi sa Nali sona mwa hola isili, sa Nali sona cwale, Bibele ya li bonisa, za hulela ku Munyaliwa, kuba sibupeho se si hulile. Kabakaleo, haiba bubeke bwa buloto, bwa Kreste, ne buwela mwa mubu, kona ni yena Munyaliwa mwa na kenezi mwa mubu, ka masika a lififi. Peu kaufela yeya mwa mubu ilukela kushwa, kusi cwalo haikoni ku itahisa ili yona, ku itahisa ili yona. Mi Keleke yetuna ya Na tomile ka Lizazi la Pentekota, ka kuluma kwa Moya o Kenile, nana ni kunyanda mwa kubulaelwa bulumiwa mwa lusika lwa lififi, kutaha hape mwa lusika lwa Luther, ni kutaha kuba siyemo se si hulile sa Munyaliwa wa Jesu Kreste wa lizazi la mafelelezo lee. Mwabona? Hakuna mukwa wa . . .

³⁷ Kabakaleo, Munyaliwa, mwa Kuungelwa, uka taha. Mi kuna ni mulelo kaufela o tomilwe ki Mulimu, kaufela zona lina ni mayemo hande. Kuzwa kwa simuluho, Na zibile mutu kaufela, sibaka kaufela, fo ne si ka tomwa, kaufela ka zona. Kaufela zona li lukisizwe kale. Mulimu na zibile kuli ikaba kwanu. Mi—mi cwale . . . Na li ezize ona cwalo, kuli ha lu ka fita fani . . . U i lo lu lukiseza sibaka. Mi ha lu fita kwani, li ka lukiswa handende inge fela mo li lukiselizwe za busihu boo, inge hola ye mo i lukiselizwe. Eeni. Zibo ya hae yetuna ya Mu bulelala lika ze kaufela, ka kuziba kwa makalelo.

³⁸ Yena ufumaneha kai ni kai kakuli U ziba linto kamukana; uziba lika kamukana kakuli U fumaneha kai ni kai. Kabakaleo, ka kuziba kwa Hae kwa makalelo . . . Cwale, Hakoni fela kuba inge moya mwa lifasi, kakuli Yena ki Sibupiwa. Yena ha ki litangu. Ki Sibupiwa. Wa pila. Mane upila mwa ndu. Upila mwa sibaka se si bizwa Lihalimu. Mi kabakalo, ka kuziba kwa Hae-, ka kuba kai ni kai; ka kuba ya ziba zoote, ka kuziba lika kaufela, konakuli Yena ufumaneha kai ni kai kakuli U ziba lika kamukana.

³⁹ Wena, cwale, u hulile kuzwa kwa kupepwa kwa hao, ha u to pepwa mwa lifasi. Mulimu na ziba kuli u ka ba mwa lifasi mo, mi wa hula kuzwa fa kupepwa kutaha kwa buhulu. Liki ze ne bonahala bunca kuwena, mwa busali bwa hao, mwa bushimani bwa hao, kakuba banana, cwale li bonahala buniti. No sa li utwisisi ha ne u sa li mwanana. Kono cwale, ha u so hulile, ukalile ku utwisia ni kufumana kuli lika kaufela ne li inzi fela hande. Mi, wena, luli si talusa nto yeñwi ku wena cwale.

⁴⁰ Kona mo kuinezi ni mwa kupepwa kwa hao kwa moyo. U eza lika zo sa utwisisi, ha u li fela mbututu yomunyinyani, taha kwa katala. Ha u fa bupilo bwa hao ku Kreste. U ka eza lika zenca ze cwalo. U ka komoka zo no li ezeza. Kono kasamulaho nyana, ha u so hulile, kakuba Bakreste babahulile, kona u ka li utwisisa. Mwabona? Kuna ni se siñwi se si nanula lika. Uka bona libaka lo no li ezeza. Kupepwa kwa hao kwa moyo! Kupepwa kwa hao kwa nama ku swanisisa ku za moyo.

Mo—mo ne li tamahanela ku wena, mwa bupilo boo, ha no hula, lika kaufela ne li tamahani hande, kakuli no bupezwi ona zeo. Kikuli ne li nto yenca nji, busihu bo no tantalikezi kukena mwa tumo, mukopano wa tende, kamba keleke nyana kokuñwi fa manganandila, ni sika sa na kutalize mukutazi, fa tuto yeñwi, mi wa to wela fela fa katala? Mwabona? Mwabona? Mulimu na zibile zeo, ku si kaba kale mutomo wa lifasi. Mwabona? Ne—ne li bonahala bunca ku wena, ha no lieza ka nako yani. Kono cwale wa utwisisa; no ziba se ne si ezahalile. Ki taba ye swanelia hahulu ku wena mwa bupilo bo, mi hape ikaba ni mwa Bupilo bo bu sa taha. Lifasi le ni bupilo bwa lona libonahala ku—ku ekezeha ha u ya uhula. Liki kaufela libonahala fela ku zamaeleta hande ni wena.

⁴¹ Hani lumeli mwa...kuli mutu na ka taha fela kwanu ka sipundumukela. Cwale nahana fela, ha u taha kwa—kwa lifasi, kaufela ne li na ni kulukisezwa cimo ku wena, kamba kulukiselezwa kale, nitaluse, ku wena. Ha ni utwisisi mo lu ko nahanelia kuli Muliu ya na lu lukiselize lika zende ze asike a... halukoni kubeya sepo ku Yena. Kuli, haiba U lutisize mwa ziezi yeluli ku yona cwale, ni ku lu lukiseza lika zende za bupilo boo, kana lu swanelia ku Mu sepa kufita kai ka kulukisa lika ze, mwabona, lika za Kuyakuile! Ku bonahala, Ni bulela, zenca luli.

⁴² Mi ha Ni—Ni sepi kuli Lihalimu ki sibaka se si swana ni mo ne ba ni kandekelanga boma. Ni lumela kuli Keleke se i hulile kuzwa foo. Ka ku nahana, kuli neibanga, myaha ye mwanda yefitile, kamba mianda yemibeli, Ni sepa kuli batu ba kale neba hupula kuli mañi ni mañi ya shwa na ya kwa Lihalimu ni kufiwa harepa, ni—ni kuina fani fa malu mi—mi ba liza liharepa. Cwale, ne ba ziba kuli ku na ni sibaka se si bizwa Lihalimu. Kono, bona, haiba ku cwalo, ba opeli kaufela ne ba ka lu opelelanga fa litoho, mwa bona. Kono luna...Kono ha—ha ki sibaka sa mufuta o cwalo sani. Ha ki kuliza liharepa, ni hanyinyani. Na lumela, ha ni lumeli kuli Bibele iluta cwalo. Kono wani neli muhupulo o ne banani mutalelela wa Linzwi u si ka taha kale, kamba kukwaluha kwa Maswayo Asupa, zeo li sepisizwe ku luna mwa lusika loo, zeo lu utwisisa.

Ni lumela kuli Lihalimu ki sibaka sa luli, kuswana fela sina se mo si inezi, mwabona, kakuli Mulimu na lu kalisize mwa sibaka sa kuhula. Mi Ni lumela kuli Lihalimu ki sibaka sa niti fela sina cwana, ko lusike lwa ina fela mwani Kuyakuile ni kuina

fela fa lilu fani. Ha lu lizaki fela harepa yaluna, kaufela—kaufela kuzwa fa, kamita. Kono lu ya kwa sibaka sa niti ko lu ka yo eza lika, ko lu ka yo pila. Lu ka yo sebeza. Lu ka yo ikola. Lu ka yo pila. Lu ka ya kwa Bupilo, kwa Bupilo Bobusafeli bwa luli. Lu ya kwa Lihalimu, ki paradaisi. Inge fela Adama ni Eva mo ne ba belekela, ni kupila, ni kuca, ni kuikola, mwa simu ya Edeni sibi si si ka taha kale, lu mwa musipili wa luna lukutela kwani hape, ona, ona kwani. Adama wa pili, ka sibi, na lu lekisize. Adama wa Bubeli, ka kuluka, a lu kutisa mwateni hape; wa lueza ba balukile ni ku lu kutisa mwateni hape.

⁴³ Mina sicaba baba shimbanga matepu cwale, liñusa la “kuluka.” Ni bata kuli mu linge. Mi munge matepu, Ni bata kuli mu ikungele ona. Ne ni bulezzi ka yona, kwanu nako yeñwi yefitile.

⁴⁴ Mutalime bashemi ba mina ba lifasi, musika taha kale kwanu, ba si ka ziba kale kuli no taha, ba itukiseza kutaha kwa hao. Munahane fela ka zeo cwale, bashemi ba mina ba lifasi. Kanti, mane mushemi wa lifasi ki mufuta fela wa Mushemi wa lihalimu. “Haiba lu ziba mwa ku fela limpo zende kwa bana ba luna, kana Ndata mina yakwa Lihalimu u ziba kufita kai mwa ku fela limpo zende kwa bana ba Hae.” Jesu na bulezzi Manzwi aa. Mwabona?

Ba lukisa kutaha kwa hao. Ba lukisa kambeta nyana, kamba kunga kakanyinyani, tukatulo nyana, ni tuapalo nyana, ni zeñwi cwalo. Ba lukisa, lika kaufela u si ka taha kale, ba lukisa za hao mane u si ka taha kale mwa lifasi.

⁴⁵ Jesu u i lo lukisa za kuya kwa luna kulo kwani. Cwale mulemuhe. “Mwa Ndu Ya Ndate mandu ki amañata.” Kamba, ha lu ezeñi . . .

Hani talusi ku ekeza kwa Linzwi, kamba kuzusa ku Lona, kakuli halu lukeli kueza cwalo. Sinulo 22 ili, “Yo kaufela ya ka ekeza linzwi, kamba kuzusa Linzwi ku Lona.” Kono ha lu ezeñi fela se, isi kuba kekezo ku ze lukisizwe, kono ka kutisa fela—fela taba hande.

“Mwa Ndu ya Ndate kuna ni miyaho yemiñata.” Ha ni lumeli kuli ha lu ka fita kwa Lihalimu ku ka ba cwalo, mañi ni mañi u ka bonahala fela kuswana. Ha ni lumeli kuli—kuli kaufela ba ka yoba ni milili ye fubelu, kamba ya mubala wa bufubelu bo bunsu, kamba—kamba yenyinyani, kamba—kamba yetuna, kamba—kamba mangangalume kaufela.

Ni lumela kuli Mulimu ki Mulimu wa zeñata. Lifasi la packa ona cwalo. Una ni malundu amatuna ni malundu amanyinyani. Una ni mabala. Una ni mahalaupa. Una ni lika ze shutana, kakuli U li ezize ka mwa Na batela. Mi U ezize myaha; mbumbi, maliha, litabula, silami. U ezize myaha. Ku bonisa kuli Ki Mulimu wa zeñata. U bupile ni mina mwa buñata. Baaba babañwi ki ba inuneki; mi babañwi bakona hahulu kumamela

milao; mi babañwi ki babande; babañwi ba na ni sishemo. Mi mufumana fela mifuta yeshutana ya batu, mi ki mwa Mubuso wa Hae. Mwabona?

⁴⁶ Mutualime ku Muhalalehi Pitrosi, ni ku mu atula ka Andreasi. Mwabona? Andreasi ki yena mulwani wa tapelo yani, ya na fumaneha fa fela fa mañwele ka nako kaufela. Mi muapositola Pitrosi neli alimuñwi wa bakutazi ba mulilo bene ba kutaza, ni—ni zeñwi cwalo. Mi Paulusi nali ya itutile hahulu, mane nihaiba za . . . sina mupolofita, kamba nto yeñwi, ni ya ziba mulaho.

⁴⁷ Mi, mwabona, Mushe na ñozi Libuka zene za Kale. Ili, na ñozi Testamente ya Kale. Ze siyezi neli milao, ni malena, ni lisamu, ni zeñwi cwalo, ni za na ñozi mutu yomuñwi ka bapolofita. Kono Mushe na ñozi milao, Libuka zene za makalelo za Bibele: Genese, Exoda, Levitike, ni Deuteronomia.

⁴⁸ Mi cwale Paulusi a ñola Testamente ye Nca. Yeo ki niti. Mateu, Mareka, Luka ni Joani neba ñozi likezo ze ne ezahalile, ni zeñwi cwalo. Kono Paulusi na kauhanyize mulao ni muhau, ni ku ubeya mwa sibaka sa ona. Mwabona? Nali yena muñoli wa Testamente ye Nca. Na lu file litaba za Testamente ye Nca, na beile Linzwi la Mulimu mwa sikuka.

Cwale mulemuhe, *buñata*, “miyaho yemiñata,” miyaho yemiñata.

⁴⁹ Sina, malundu amañata; inge, linuka za mifuta yemiñata, maabwa, masa. Nelili teni fa wena u si ka taha kale, pili, kakuli sishemo sa Ndate wa Lihalimu kona se si li beile fa. Kakuli, batu babañwi ba lata malundu. Batu babañwi ba tabela mezi. Babañwi ba tabela mahalaupa. Kacwalo, mwa bona, kutaha kwa hao, Na zibile sibupeho sa hao ni so no kaba sona, kacwalo A li eza ka nzila ya kuli mu ikole zona. Oh! Ni sepa kuli yani ki Ndate yomunde, mwabona, ya ziba kuli Na li ezize sina cwalo.

Ni tabile Na ezize malundu. Na—Na lata malundu. Na . . . Mi Na—Na lata cwalo. Koo, babañwi, “Oh, ha Ni koni kuyemela . . . Oh, Na lukela ku wisezafafasi sipongisi sa Hae kulo kwani.” Kihande, Na si suluzi kaufela kuli Ni kone ku i kola lona. Mwa bona? Kacwalo he luli, “ni tabela mabala, mo Ni kona kubona nzila yetelele.” Kihande, libupeho zepeli ze shutana, sibeli za luna Bakreste.

Kono Ndate na ziba kuli ukaba mo, ni ku ku lukiseza lika kaufela u sika fita kale fa. Amen. Kutaha kwa hao kwa pili, fa, Na ku lukiselize kale zona nako yo taha fa. Kana ha ki nto yende yeo ka kunahana za Na ezize?

⁵⁰ Cwale, cwale, kono muhupule, ze ki limpo fela za swalelele, mwa mufuta. “Cwale, lu ziba kuli Mushe, ku za kuyaha tabernakele mwa lihalaupa, kamba ku ilukisa, u ize, na ezize lika kauflea kuya ka mukwa wa na boni mwa Lihalimu.” Mwabona? Kacwalo, lika za lifasi li bonisa za Kuyakuile mo liinezi. Mi haiba lifasi le lupila ku lona kacenu, halili lelituna cwana, ka mo lu li

latela; mi lu lata kupila kulona, ni kubuyela moya, ni kubona lipalisa ni lika zeñwi; haiba—haiba zeo, haiba le kona ponahazo, leliñwi ha li shwa libonisa fela le liñwi la Kuyakuile. Ha u bona kota i katazeha, kucolomoka, ilika kupila, seo si talusa kuli kuna ni kota kokuñwi ye sa ezi cwalo.

Ha u bona muuna fa, inza ikataza kupila, yomuñwi mwa sipatela, kamba fa mubeta wa makulano, kamba mwa kozi, inza katazeha, ni kutokota kwa lifu ku mwa mumizo wa hae, ni ku colomoka, ni kulila, ni kuhuwela bupilo, seo si talusa sikamañi? Kuna ni sibaka, kokuñwi, kuna ni mubili o sa ikatazi ni kulilela zeo. Mwabona? Ona ha uezangi zeo.

⁵¹ Cwale, ki limpo za swalelele ku luna, lika ze, ki ze bonisa fela kuli kuna ni Alimuñwi ko kuna ni Wa Kuyakuile. Kona za na yezu Jesu ku yo lukisa, wani Wa Kuyakuile wa luna. Cwale, libonisa fela nto yabunde bobutuna mwa mufuta oswana, kakuli ze ki lika za mufuta o swana.

⁵² Cwale, muhupule, Bibele iize, “Haiba tabernakele ya lifasi ye mo lupila, haiba i shwa, i sinyeha, luna ni yeñwi ye libelezi.”

Inge fela mbututu yomunyinyani, mata a hae amanyinyani, ku mahe, asweli kupikuluha ni kufetuha. Mi, kono fela... Mwabona? Mi mu lemuhe, mwakona ku nga musali, haiba ki wa pilu seta luli; kono cwale ha sa bile me, fa nako nyana mbututu yani asika pepwa kale, kuna ni kuba ni sishemo ka musali yani. Mu be bukaufi ni yena, ka nako kaufela kuna ni sesiñwi, ki mutu ya sa na ni pilu yebunolo. Kiñi? Kuna ni moya wa kangeloi nyana kaka libelezi kutaha mwa mubili wa nama. Ka sa pepwa feela, moya wa bupilo u kena ku kona. Mi Mulimu wa u buyelela mwateni, mi ka ba katu ka ka pila. Cwale, mbututu yo a sa pepwa feela, kipeto mubili wa moya uteñi kuli u mu amuhele.

Mi cwale, mubili wo ha u so tile fa, mwa lifasi le, sina mbututu ha zwa, hape kuna ni mubili o sa shwi o libelezi ku amuhela moya kukutela ku ona hape. Oh, ha ki nto kwa butuna ni yeo! Luna—luna lu ku Kreste Jesu, (amen), limbututu, limbututu ku Kreste, bana ba Mulimu, lu libelezi piliso yetezi, fa Kutaha kwa Mulena luna Jesu, kikuli... a lu amuhele ku Yena, mi mubili, ona mubili o shwa wo, ha uka apala o sa shwi.

⁵³ Kuswana, lika kaufela za Na ezize, li bonisa lika ze sa taha. Inge fela mubili mo u felwa kuwena fa, kuswana sina mubili wo, Wa ku file kuli upile ku ona, ubonisa fela kuli kuna ni omuñwi omutuna, kono, u sa taha. Mwabona? “Haiba lu lwala, kamba lu lwezi sibupeho sa lifasi, hape lu ka lwala sibupeho sa Lihalimu,” o sina matata mwateni ku wani o taha. Cwale, haili wo ona una ni matata, matuku, lifu, maswabi. Ni bulezi fela fa, ha ki kale hahulu, hane ni kutaza ka za *Kufetulwa Kwa Linzwi La Mulimu*, kuli mane—kuli mubili woo, una ni bumaswe mwahala ona.

⁵⁴ Mi ni zwelopili ya kacenu ye lupila ku yona ki ya diabulosi. Ha mu lumeli cwalo? Bibele i bulela kuli ku cwalo; lifasi le,

muuso ufi kaufela. Halu lati kulumela cwalo. Kono Bibele ya patala hande, kuli muuso kaufela, mubuso kaufela wa lifasi, ki wa diabulosi mi u busiwa ki diabulosi. Jesu na ngilwe ki Satani, mwa halimu, ni ku Mu bonisa mibuso ya lifasi kaufela yeneli teni, ye ne kaba teni, ni zeñwi kaufela. Mi Satani na ikungezi yona, ki ya hae, mi Jesu na si ka kanana ni yena, kakuli ki mulimu wa lifasi le. Mwabona? Mi ki hali, “Ni ka i fa ku Wena haiba U wa ka mañwele ni ku ni kubamela.” Mwabona? Na lika ku ifa ku Jesu, kusina sitabelo. Mwabona? Ne li kutwano ya na bata ku fa ku Yena.

Kono lifasi ne li ezize sibi. Kacwalo, mulatu wa sibi neli lifu, mi Nana ni kushwa. Ki kabakaleo Mulimu na bonahalile mwa nama, kuli Akone kunga lifu ku Yena, kuli alife mulatu. Hakuna sa ku kutela. Ha li si ka lukiswa. Li lifilwe handende, ka mahala. Sikoloti kaufela si lifilwe. Ki la Hae cwale. Mi lu sicaba sa Mubuso wa Hae, lukopano mo hamoho busihu cwana, ka Libizo la Jesu Kreste Mulena luna, lu inzi mwa libaka za Mahalimu.

⁵⁵ Cwale, mwa lifasi mo lupila mo, yona tuto ye, Ni bata ku mi bonisa yona, tuto, sayansi, zwelopili, ni lika ze kaufela ze bonahala kuba ze lu ikola kacenu, ki za Satani, mi li ka shwa. Mu li, “Muzwale Branham, zwelopili?” Eeni, sha. Zwelopili ye itile ka Satani. Genese 4 ya paka cwalo. Mwana mushimani wa Kaine, mwabona, kiyena ya na kalile zwelopili ye, kuyaha mileneñi, ni lilimba, ni zeñwi cwalo. Mi zwelopili itahile ka zibo. Zibo kona ya na lekisize ku Eva, mwa simu ya Edeni, sani sa mutiseza kupyata, ku foseza mulao wa Mulimu.

Kacwalo kukaba zwelopili mwa lifasi le luya kulona, kono haina kuba mufuta wa zwelopili ye cwana, kakuli mwa zwelopili ye luna ni matuku, maswabi, takazo, lifu, lika kaufela mwa zwelopili ye, ki mafosisa. Kono mwa zwelopili yani hakuna kuba ni yeñwi ya lika ze. Haluna ku tokwa sayansi.

Sayansi yona i lyanganisa za makalelo, mane. Mwabona? Ha upazula towati, kuli upazule katowati ka atomu ni kueza *cwalo-ni-cwalo*, kuli u pance. Unge musili wa tobolo, ni ku kunupa *fa*, kuli ubulaye sika. Unge mota. Ni kunga mafula kuzwa mwa mubu, mi lika za mwa mubu, kuli u tokwise mata alona, ni ku li pancisa. Ni ku shetumuka mwa mukwakwa ka lubillo lwa limaili ze nainte fa hola, ni ku bulaya mutu. Mwabona? Oh, ki ku ikalelwa luli, kufilikä, akufa; lukala ku kasha, kunga. Oh! Mwabona? Kaufela ki za duabulosi.

Mubuso wa Mulimu hauna kuba ni limota, lifulai, kamba sika kaufela se si ezizwe ka sayansi. Batili. Halina kuba ni tuto ni yekana, ni yekana. Ikaba tuto yetuna hahulu ku ye, kuli mane le halina ku hupulwa ni hanyinyani. Mwabona? Tuto, zwelopili, ni ze kaufela, lizwa ku Satani.

Cwale, mu li, “Muzwale Branham, kiñi so balela, kanti?”

⁵⁶ Mwabona, kuswana fela, kiñi ze Ni tinela liapalo cwale? Mwa zwelopili yene na ni kutaha, yani neli ya pili, ne ba sa tokwi litino kaufela. Ne ba patilwe. Ne ba sina libaka la kutinela litino, kakuli neba sa zibi kuli nebali mapunu. Cwale mu . . . Cwale mu batisise, kuli, mwahali cwale, konakuli, lu ziba kuli lu—lu—lu—lu mapunu, sibi si pila ona fa, konakuli lu lukela kutina liapalo. Kono ne ku si cwalo kwa simuluho; nekusina sibi. Mwabona?

⁵⁷ Cwale, taba yeswana iteni mwa nzila ya zwelopili, kaufela. Lwa bala, lwa ñola, lueza se, kono ha lu tamahani ku wani. Musike mwa eza kuli zeo libe mulimu wamina, kakuli yani ki yena mulimu wa swalisano. Mwabona? Ha ki za Jesu Kreste.

⁵⁸ Jesu Kreste ki ka tumelo; isiñi so kona kubonisa ka sayansi, kono ki so lumela. Hani koni ku mi bonisa ka sayansi, busihu boo, mwa muyaho woo, kuli kuna ni Mulimu, kono niteñi Ni ziba kuli Uteñi mo. Kono, ka tumelo yaka, ya paka cwalo.

Abrahama na si ke a mi bonisa ka sayansi kuli na kaba ni mbututu ka musali yani, mi musali na li bukaufi ni myaha ye mwanda ya kupepwa. Kono tumelo ya hae ya li paka. Mwabona? Na sa tokwi bupaki bwa sayansi. Kiñi, ki . . . Kiñi, dokota na ka bulela kuli, “Muuna muhulu yani wa lyangana, kwande kwanu u bulela kuli ukaba ni—ni mbututu ka musali yani; yena una ni myaha ye mwanda ya kupepwa, mi musali una ni myaha ye nainte.” Kono, mwa bona, Mulimu na bulezi ona cwalo, kacwalo ha si lwali sayansi. Si lwala tumelo, ku lumela Linzwi la Mulimu, isiñi sayansi.

⁵⁹ Kacwalo, likolo za luna ni lika zeñwi ki kulyangana. Kakuli, Mulimu ha si ka bulela kuli, “Muye mu yo yaha likolo,” kamba mane, “mu be ni likolo za Bibebe.” Mwa ziba cwalo? [Kopano ili, “Amen.”—Mu.] Na ize, “Mukutaze Linzwi.” Yeo luli ki niti. Milao ya luna ya lituto i luisa kwahule ni Mulimu kufita sika kaufela se Ni ziba, yeo ki niti, kwahule ni Mulimu. Isiñi kuyaha likolo, lipatela, ni zeñwi cwalo; zani neli za lifasi ni kwa sikwata sani. Kono, Hanina se ni nyaza ka zona; li na ni musebezi wa za zona, kono niteñi zeo ha ki zona.

Lwa yaha lipatela, zeo kizende kaufela, ni kuitusisa milyani yeminde hahulu ku ye lunani, kono likiti kiti ba shwa zazi ni zazai. Kono, oh, mawi, mwa Mubuso wa Mulimu, hakuna lifu, hakuna maswabi. Amen. Hakuna tuso ya lika za lifasi ze. Kono lu zwile mwa litaba ze, kukena mwa litaba za niti za Mulimu; ko lu ikataza hahulu kulika kufumana lika, ka sayansi. Mi ka mo lubela hahulu ba sayansi, kona mo lu i tiseleza lifu ku luna. Lu lwana ndwa ye se lu lukizize kale, kacwalo muzwe ku zona. Mi ka tumelo, mulumele Jesu Kreste Mwana Mulimu, busihu boo, ni ku Mu amuhela. Ki yena Anosi.

⁶⁰ Ki sikamañi se i mi lukiseza sayansi? Lifu leliñata. Yeo ki niti. Liponi za mwa mbyumbyulu ni zeñwi ze ezahala kaufela, ni lika ze kaufela, za kuli li hasanye lifu ni zeñwi kaufela mwa

lifasi. Usike wa talima ku zeo. Talimisa toho ya hao kufita ku zeo, ortalime kwa Lihalimu. Utalime fa inzi Jesu, "Kwa lizoho la bulyo la Mulimu," busihu bo, "upila kamita kuli a lapelele buipuleli bwa luna," bwa se lu lumela, Linzwi la Hae kona la Niti.

⁶¹ Cwale, lu fumana kuli, bupilo bo bu tezi fela bumaswe kaufela, kacwalo he bupilo bo buna ni kutaha habuna kuba ni bona. Bo bu na ni takazo, ni matuku, lifu. Kakuli, ki sikamañi seo? Ha ki mufuta wa ndu Ya i lo lukisa. Ye ki ndu ya matuku. Ki babakai baba ziba seo mandu a matuku ili sona? [Kopano ili, "Amen."—Mu.] Luli. Kihande, mo kona mo u pila. Ndu ya matuku ki sibaka mo ba beya batu kaufela ba ba kula. Kihande, zeo kona mo li ezelize sibi ku luna, li lu beile mwa ndu ya matuku. Ko wena... Ha ba koni kulumeleza mutu kaufela ku kena mwandu ya matuku, kakuli kuna ni mifuta kaufela ya likokwani ze fufa fula mwateni, mi—mi sicaba si kanga likokwani ze ni—ni ku kula, kukuliswa kizona. Mi sibi sa lu tisa mwa ndu ya matuku ya diabulosi.

⁶² Oh, kono yeñwi ibizwa kuli, "Ndu Ya Ndate." "Ni ya ku yo mi lukiseza sibaka. Amizuse mwa ndu ya matuku ye ni ku mitisa mwa Ndu ya Ndate." Amen. Ki fo he cwale; ku zwisa mwa ndu ya matuku ya kale ya lifasi ye. U i lo lukisa sibaka, ki sibaka se sinde ko kusina bumaswe, hakuna matuku aliteni, hakuna kusupala, hakuna lifu.

Ki sibaka se si petehile se si mi bizeza kwa kupetahala kwani, mi una ni kuba ya petehile fa kuba kwani. Bibebe ibulezi ona cwalo. Jesu naize, "Mu be baba petehile, sina Ndata mina mwa Lihalimu hali ya petehile." Ki Mubuso o petehile, kona kuli i lukela kuba sicaba se si petehile se si taha. Kakuli, una ni kuyema ni kunyalwa ku Mwana Mulimu ya petehile, mi ulukela kuba Munyaliwa ya petehile. Kona kuli ukona kueza cwani ka si ka kaufela kwanda Linzwi le li petehile la Mulimu, ili kuli, "Mezi a kauhano, a lu tapisa kwa libi za luna"? Amen. Yeo ki niti. Mali a Jesu Kreste, munahane ka Ona, a kulota, Linzwi le li lota Mali. Amen. Mali, ki—ki Linzwi la Mulimu le li lota Mali, kuli li tapise Munyaliwa mwateni. Amen. Eeni, sha. U yema ka kupetahala, mwalanje, ya si ka tampakana. Ya si ka eza sibi, ka kukala. Amen. Na swasehile ku zona. Mwabona?

Kuna ni Ndu ya Ndate Ya ile kwa kulukisa.

⁶³ Ye kwateri itahile ka kusomana, kuzwa kwa foso, mi ina ni kufosahala ka foso. Hakuna taba kamba u ka basa basa cwani ya kale, i ka bulumuka, kupale kumane. I yundile, kakuli i i congile, kakuli Mulimu ubulezi cwalo. I felile. Mulimu uka i sinya. Na bulezi cwalo. Ku kaba kuyahiwa sinca kwa lika kaufela. Mwa lumela cwalo? [Kopano ili, "Amen."—Mu.]

Kwa simuluhu, lifasi hane li bile ni kupepwa kwa lona, fani Mulimu ha na zusize mezi, pili, kuzwa mwa lifasi, sina mwa Na ezelize mezi kuzwa mwa mba ya musali, neku na ni lifasi lene

li pepilwe. Eeni. Mi sicaba sa kala kupila ku lona fani Mulimu ha ba beya fani. Mi kipeto ba kala kueza sibi. Mi la kolobelizwa, ka kucimbekiwa, mwa mazazi a Nuwe. Mi nla keniswa ka Mali a Mubupi ha na suluhela ku lona.

Mi cwale cwalo kona mo u tahezi, ka kuluka, kulumela ku Mulimu. Wa kolobezwa kwa kubaka, kamba, kwa, swalelo ya libi za hao. U ipulezi libi za hao fapila Mulimu, mi U ku swalezi ka zona. Mi wa kolobezwa, kubonisa kuli no na ni kuba cwalo, wa swalelwaa; ku ipulela kwa sicaba, ni ku bonisa kwa lifasi, kuli u lumela kuli Jesu Kreste na ku shwezi. Mi wena... Na ngile sibaka sa hao, mi cwale u yemi mwa sibaka sa Hae. U tiloba wena, kuli ukone kuba Yena.

Kona kuli mata a kenisa a Mulimu kona akenisa mikwa kaufela kuzwa mwa bupilo bwa hao. No zubanga, kunwa, kueza lika ze si ka luka, kubulela buhata, lika kaufela. Mi mata a kenisa a Mali a Jesu Kreste ataha mwa bupilo bwa hao ni kuzwisa lika kaufela ku wena. Haiba u bulela se si fosahalile, kapili uli, "Libelela fa muzuzu. Muni swalele. Ne ni sa talusi kubulela cwalo." Mwabona? Diabulosi ya beile katwa fani. Kono una ni muhau wa kukuta, haiba u Mukreste wa niti, uli, "Ne fosize." Eeni. Kacwalo, kabakaleo, cwale, ki...

⁶⁴ Cwale, nto yetatama yo amuhela, ki kolobezo ya Moya o Kenile ni Mulilo.

Cwale, Mulimu, mi Mileniamu ye ha se ifelile, Mulimu u ka fa lifasi kolobezo ya mulilo. Li ka shengunuka taba kaufela. "Mahalimu ni lifasi li ka tuka mulilo." Pitrosi na bulezi cwalo. Mi taba yeo ikaba ni kolobezo ya mulilo, kuyahiwa sinca kwa lika kaufela. Mi kipeto ku kaba lihalimu le linca ni lifasi le linca. Seo, kanti, kona ko ku pila kuluka.

Kwani kona ko lu inzi. Lu zwile kwa batu ba nama, kuzwa libupiwa za nako, kutaha kwa kuba libupiwa za Kuyakuile. Mi Linzwi la Mulimu ha li tukisa miyo ya luna, mi luba bana ba bashimani ni basizana ba Mulimu, ni milelo, peu ya Mulimu ku luna, kuba bana ba bashimani ni basizana ba Ndate, Mulimu mwa Lihalimu, inze i lila kuli, "Abba, Ndate! Mulimu waka, Mulimu waka, mwa Ndu ya Ndate."

⁶⁵ Cwale, lifasi la kale le lina ni kuwa, kakuli lifitile ka foso. Mi li tahile ka ku sa utwela, kwa simuluho. Mi lu pepezwi fa ka kufitela mwa foso, ka kuwa, mi lina ni ku kutela hape ka nzila yeswana, kwa kuwa. Kono haili Leo a sweli ku ku lukiseza cwale, halikoni kuwa, kakuli Usweli ku lieza cwalo. "Ni ile..."

Kucwani kambe ne lu ka ina fela mwa mubili woo? Kana hamusika taba kuli kuna ni nto ya kuli lifu? [Kopano ili, "Amen."—Mu.] Cwale kana ha ki nto yenca yeo? Kono cwale, muli, ka mutala...

Lilimo nyana kwa mulaho, Ne nili mushimani yomunyinyani, mi cwale se Ni li muuna wa lilimo za bunca. Nina

ni mulikani yainzi fani, Bo. Dauch, ba na ni myaha ye nainte-sili ya kupepwa, mazazi nyana afitile. Mu mutualime cwale. Myaha ye mashumi amane kamba mashumi amane ka aketalizoho, yani ikaba na. Cwale mubeye myaha yeñwi ye mashumi amane ku yena. Mukona kufita kai? Taba yateni . . .

⁶⁶ Ni tabile kuli kuna ni sesiñwi se si ka lu kenya mwa ndu ya matuku ye. Kuna ni sikwalo se si kwaluhile, mi si bizwa lifu. Jesu uyemi mwa munyako wani. Amen. Uka ni zamaisa mwa nuka. Uka ni Iwala kukena munyako wani. Kuna ni sikwalo sesituna se si yemi kwabuse kwani, se si bizwa lifu. Mi nako kaufela pilu ya hao ha inata, i natela fela bukaufi ni yona. Mi zazi leliñwi Ni lukela kutaha kwa sikwalo sani. Mulukela kutaha kwatene. Kono ha Ni taha kwani, Hani lati kuba lipyeha. Hani lati ku yo huwa ni kukuta. Ni bata kutaha kwa sikwalo sani, ni itateze mwa masila a kuluka kwa Hae (isiñi kwa ka), Yena.

Ka se Ni ziba, kuli, “Ni Mu ziba mwa mata a zuho ya Hae.” Kuli, nako Ya biza, Ni ka zwa mwahala bafu, ni be ni Yena, kuzwa mwa ndu ya matuku ye. Kaufela ko ku ka wela mibili wo, ni kaufela ko ukona kuwela, seo kaufela se sili sona, Ni ka zuha zazi leliñwi, kakuli Na Li sepisize ku na. Mi lwa li lumela. Eeni, sha. U sweli kubupa Omuñwi o sa koni kuwa.

⁶⁷ Mulemuhe mwa evezanga muima, fa lifasi kacenu, ka mo mibili wa muima u lakaleza lika zeñwi. Na bulela, Na akaleza ni kusepa, kuli baba hulile kaufela baba ka utwisisa. Mahe mutu, fa kupepwa kwa mbututu, haiba ku na ni se si tondahala mwa mibili wa hae, uka kala kunyolelwa lika zeñwi. Mutualime ka mo ndate . . .

Na hupula ne lu hulela, mwa lubasi lo lu botanile, mi—mi mane lu si ka ni za kuca inge lu sa li banana. Buñata bwa mina mu nyandile lika zeswana zeo.

Kuli mane, kuli, mwana ha si ka pepwa kale, mahe u kaba ni lishuke za lika zeñwi. Mi bondate ba ka ipyanga mo ba konela, kaufela, kuli ba mu ngele zona. Mwabona? Ki yena, mibili, mibili wa hae, bo kausiamu ni zeñwi cwalo za mibili wa hae, ni ma vitameni a tokwa. Junie usweli wa bupiwa, mwabona, mi ushukelwa lika zeo, lico za mwana ya taha. Mi cwale, bashemi, ba lika ku fumana ili kuli mbututu a pepwe mi ya tabile mo konahalela. Mwabona bashemi ba mina mo ba ka ezeza cwalo? Kanti ha ku na ni se si tokwahala, me ufa bupaki ku zona, mwabona, mulao wa hae u ezizwe cwalo. Mwa utwisisa? [Kopano ili, “Amen.”—Mu.] Kuli, ha ku na ni se si tokwahala fa, ku mwana ya sa taha, ma—ma mahe ukala kuli shukela ona zeo.

⁶⁸ Cwale, muyeme fa muzuzu fela. Kiñi haluna ni li ancafazo? Kiñi ze lu kopanela hamoho? Kiñi ha Ni omanyanga sicaba kamita? Kiñi ha Ni mi biza kuli basali ba Pentekota: “Mu tuhele kutinanga malukwe, mipende, ni kukuta milili ya mina, ni lika ze cwalo”? Kiñi ze Ni bulela cwalo? Kakuli, nzila ya kale ya

pentekota ne i sa ezi cwalo. Nzila ya niti ya Bibele ha ki kueza cwalo. Ha mu tina tuputula ni liapalo ze lukela kuba za baana, kana mwa ziba kuli Bibele ibulela kuli aoi ki maswabiswa ku Mulimu? [Kopano ili, “Amen.”—Mu.] Kono lwa li lumeleza. Kiñi Moya o Kenile ha u zwelapili hubulela? U ziba kuli ku na ni se si tondahala mwateni. Lu lukela kuba mwa sibupeho sesitezi sa Jesu Kreste. Lu lukela kuba bana ba bashimani ni basizana ba Mulimu. Lu lukela kueza sina bana ba Mulimu.

⁶⁹ Kale kafoo, likande nyana lne li bulezwi. Ni boni muzwale alimuñwi yomunsu yainzi kwa mulaho. Kwa Mboela, ne ba lekisanga batanga. Mi se, ha ne ba na ni batanga kulo kwani, ha ne ku sa na ni batanga, kusika ba kale tukulo, ya bazike. Mi ne ba ya ku yo ba leka, ona sicaba sani, inge fela mo ba kona kulekela mo—mo mota, mulekisi. Nebana ni kutwano ya litekisano, ni kulekisa batu bani inge kuli ne bali—bali limota ze itusisizwe. Kuba ni tumelelano ya litekiso ni bona.

⁷⁰ Nako yeñwi muleki yomuñwi a taha, muleki. Mi na bata kuli... a potoloha masimu amatuna ani ni kuleka batanga. Mi ataha kwa sibaka sesiñwi cwalo kone bana ni batanga ba bañata, mi na bata kubona kuli neli babakai bene ba nani. Mi ne bali kulo kwani kaufela, inge ba sebeza. Mi neba—neba i shondile. Nebali kwahule ni munzi. Ne ba zwa kwa Africa.

Neba ba tisize kwanu. Ma Boers kona ba ku ba tisa ni ku ba lekisa sina batanga, mi kacwalo ne ba ishondile. Ne ba ziba kuli ne ba si ke kukutela kwa hae hape. Ne ba ka pila ni kushwela mwa naha yani. Mi neba nani, linako zeñata, ne ba lwalanga tupa ni ku ku ba shakapa. Nebali libyana za muña zona, mi na eza mwa latela. Mi ba fela... Haiba na ka mu bulaya, na mu bulaya. Mi ki ha, kaufela se ne sili sona, na eza cwalo. Bwani ki bukoba, sina Isilaele mwa na bezi, mi—mi buñata bwa linaha ne li tisizwe mwa bukoba. Mi ne ba nga batanga baba nyandile bani. Ne ba sebeza feela. Ne ba sweli kulila, mwa ziba, nako kaufela, ni kuswaba.

⁷¹ Kono ba lemuha alimuñwi wa batanga, mutangana yomunyinyani, ya na fumbukisize sifuba, toho ya hae inangukile *cwalo*. Ne ba sa mu shapanhi. Ne ba sa mu bulelelangi za kueza. Kacwalo muleki yani ali, “Ni bata kuleka mutanga *yani*.”

Ki hali, “Ha lekisiwi.”

Ki hali, “Ni bata ku mu leka.”

Ki hali, “Batili. Yo kwateni ha lekisiwi.”

Ali, “Kana ki yena nduna wa bona kaufela nji?”

Ali, “Batili.” Ali, “Ha ki nduna. Ki mutanga.”

Ki hali, “Kihande, mwendi u mu fepa ka kushutana kufita mo pepela babañwi.”

Ali, “Batili. Kaufela bona ba celanga mwa mukokolombwa, hamoho.”

Ki hali, “Ki sikamañi se si shutanisa mushimani yani ku babañwi ba bona?”

Ki hali, “Ki ye nto iliñwi. Ni bile ni komokanga fa nako yeñwi, nina. Kono mushimani yani, ki muzwahule yazwa kwa Africa, kono mwa Africa ndatahe ki mulena wa mushobo omuñwi. Mi, kanti, ni ha li muzwahule kwahule ni lapa la habo. U ikunga kuba sina mwana mulena. Wa ziba cwalo, kwahule ni lapa la habo, kuli ndata he ki mulena wa mushobo omuñwi. Mi cwale wa ikuteka, kakuli u ziba kuli ki mwana mulena.”

⁷² Oh, muzwale, kezeli, wena ni Na, mwa lifasi le lu pila ku lona le, ha lu pile sina bana ba bashimani ni basizana ba Mulimu. Lu bazamayi mo, kono likezo za luna liswanelu kuba ka litaelo za Mulimu, kuli lu bana ba bashimani ni basizana ba Mulimu. Likezo za luna, lu lukela kuba ni kueza, ni lika kaufela, kuya ka milao ya tomile Mulimu.

“Mi ki maswabisa kuli musali atine sapalo se si lukela kuba sa muuna.” Ku fosahalile mi ki sibi, “Kuli akute milili ya hae,” Bibebe ibulezi ona cwalo, “ki nto ye sa swaneli kuli alapele inge abeuzi milili.”

Mu li, “Ku cwani ka *se*?”

⁷³ Yomuñwi na ni tezi; mukutazi yomutuna, ya zibahala, ha ki kale hahulu. Ali, “Muzwale Branham, taha. Ni bata ku kubeya mazoho.” Ali, “U ka sinya bulumiwa bwa hao.”

Se nili, “Sikamañi?”

Ali, “Ku baa omanyanga batu bani ka mukwa o cwalo.”

Se nili, “Ni bulelela za . . .”

Ali, “Na lumela cwalo.” Ali, “Ni wa Pentekota, nina. Ni lumela kuli basali haba lukeli kubanga ni milili ye mikuswani, haba lukeli kuipenta, ni lika ze cwalo mo ba ezeza, kuipenta kwa lifateho.” Ali, “Ha ba lukeli kueza cwalo. Kono,” ali, “Mulimu u ku bizelize ku lapelela bakuli.”

Se nili, “U ni bizelize ku kutaza Evangelii.” Eehe.

Mi ki hali, “Na lumela ku zeo. Kono,” ali, “u nahana *cwalo*?”

Se nili, “Eehe. Talima so nani, litukiso zetuna ze kaufela, mazimumwangala, ni lika zeñwi kaufela. Hanina yo ni ikalabela kuyena kwanda Mulimu.” Yeo ki niti. Se nili, “Hakuna se ni nani kwanda ku i kalabela ku Mulimu.”

Ki hali, “Ni—Ni—Ni . . . Uka sinya bulumiwa bwa hao.”

Se nili, “Bulumiwa kaufela bo Linzwi la Mulimu lika sinya, bu lukela ku sinyiwa.” Yeo ki niti. Hahulu. Yeo ki niti.

Ki hali, “Kihande, u ka bu sinya.”

⁷⁴ Se nili, “Ki mañi ya ka bulela za Teñi he? Mwabona? Kuna ni ya lukela ku Bu bulela. Kuna ni ya lukela kuyemela Niti, hakuna taba kamba Iholofaza cwani.” Mi balikani, kakuba Bakreste,

sina batu baba lumela kuli lu ya kwa Lihalimu, Moya o Kenile Kasibili uka lu swanisisa mwa Linzwi la Mulimu.

Ki hali, "Wa ziba so lukela kueza?" Ali, "Batu ba ku lumela kuba mupolofita." Ali, "U lukela kuluta basali bani mwa ku amuhelela limpo za sipolofita ni lika ze cwalo, ni lika zetuna, zepahami kufita lika zenyinyani zeo."

⁷⁵ Se nili, "Kana Ni ka ba luta cwani alujebura kanti mane haba zibi ni ABC ya bona? Kanti mane ha ba koni kueza neba lika ze bunolo, mwabona, lika za nama, u ka ba bulelea cwani lika zepahami?" Kanti mane ha u kaleli fa... U bata kuba fahalimu manela u si ka kalela pilifafasi. Kona ha mu wanga. Mwabona?

Mu kalelangefafasi, mi ni kupahama kuliba fahalimu ku ya ka Mulimu mwa ka ku zamaiseza. Mwabona? Itiise mwa bupilo bwa hao mi ulatele lange hanyinyani cwalo mwa Linzwi leo Mulimu a ku tomezi kueza.

⁷⁶ Cwale u nahane ka mo Mulimu... Lu swanelu ku i kuteka ni kueza sina Bakreste. Mikwa ya luna ilukela kuba sina Bakreste. Kakuli, lu bazwahule fa. Wo ha ki Munzi wa luna. Batili. Ne lu beilwe fela fa, fa swalelele. Luna ni kuya, mañi ni mañi wa luna, busihu boo.

⁷⁷ Cwale munahane. Haiba Mulimu, mwa sishemo sa Hae, una ni mahe, mbututu a si kapepwa kale, u bata ma vitameni amañwi, mi kipeto manzwi a mahe a ka bulela, "Tate, Ni—Ni—Ni bata mupusi, kamba lihapu. Ni bata nto yeñwi, yeñwi fela." Si zwile mwa... Kiñi, uka eza lika kaufela za kona, kuli aikungele zani, kakuli u ziba kuli ubata mwana hae kuli apepwae a iketile ka mwakona kubela. Mwabona? Mi uka eza lika kaufela za kona kueza, kuli aikungele zona.

⁷⁸ Kana ku konahala cwani kuli Yena, a ikungele sona! Yena kakuba Mubupi. Cwale munahane ka Mwa kona ku ezeza, ku lu lukiseza mibili, kupila sina mibili wa Hae o kanya, haiba lu bata kupila. Kuna ni sesiñwi ku luna, se si biza, kupila. Mi kuna ni sesiñwi ku luna se si biza kueza ka kuluka. Konakuli Mulimu uka biza mutu yomuñwi kwapili, kamba fa katala, ya ka kutaza Niti ya ye tiile. Kiñi? Mwabona? Sa ku bonisa. Mi, haiba u mwana wa niti wa Mulimu, ukala kulila kuli, "Mulimu, *li* zwise ku na. Ni pume kuzona *ze*. Zwisa lika *ze* libe kwahule ni na." Kiñi? Za tok wahala kwa Munzi wa hao wa lihalimu kona ko ulibile, koo Aile ku yo lukisa. U lukela kuba Munyaliwa wa niti wa Linzwi wa Kreste.

⁷⁹ Ne ni kutaza masihu nyana afitle fa sitabelo, mwa mazazi a swalelo. Ne ni sweli kukutaza fa sibaka fela seo Mulimu, yona Keleke fela inosi koo Mulimu uka kopana ni mutu ku yona, mi mwani ki mwahali, Na ize, sibaka kwa Na beile Libizo la Hae. Naize, "Ha nina ku kopana ni bona mwa sibaka sisili kwanda sibaka, munyako o Ni beile Libizo la Ka ku ona." Cwale, Ha

ku kataneli mwa munyako wa Methodist, munyako wa Baptist, kamba munyako wa Pentekota, kamba ufi wa yona kaufela. Kono U beile Libizo la Hae ku Mwana Hae. Na ize, “Ni tile Ka Libizo la Ndate.”

Mutu kaufela ha taha, ni mwana kaufela, utahanga ka libizo la ndatahe. Yena . . . Ni tile ka libizo la Branham, kakuli bondate neli bo Branham. Mi wena utile ka libizo la hao kakuli lani neli libizo la ndatahp.

Mi Jesu, yena Mwana, natile ka Libizo la Ndate. Mi Na ize U beile Libizo la Hae, “Mwa munyako wo Ni beile Libizo la Ka mwatereni, sani ne li sona sitabelo.” Mi ku Jesu Kreste kona fela sibaka sinosi ko mukona kufumana kutwano ni kulapela Mulimu.

U li, “Kihande, Ni wa siemba sa keleke.” Seo ha si ezi nto iliñwi ye shutana. U lukela kuba ku Kreste.

Mukutazi yomuñwi wa kopano, busihu bobuñwi, naize kuna, ali, “Bo. Branham, a mu talime kwanu. Jesu naize, ‘Kaufela ya lumela.’ Bibebe ibulezi kuli, ‘Kaufela ya lumela kuli Jesu Kreste ki Mwana Mulimu, u pepilwe ka Moya wa Mulimu.’”

⁸⁰ Se nili, “Kana Bibebe haibuleli cwana, kuli, ‘Hakuna mutu ya kona kubiza Jesu kuli ki Kreste, konji ka Moya o Kenile?’” Mwabona? Ha ukoni kueza kuli Bibebe i bulele buhata. Ina ni ku tamahana hande ni zeñwi.

Kacwalo u lukela kuba ya pepilwe sincia, ka Moya o Kenile ku wena, paki yani, wena kasibili, u ziba kuli ki Yena Mwana Mulimu. Mi cwale haiba u cwalo, ni kuba siemba; haiba u mwana Mulimu, mwa Linzwi la Mulimu; u kona kulatula cwani Linzwi? Kana Moya o Kenile ukona cwani ku ku konisa kulumela tuto ya litumelo, kuli ukone kueza nto ye *cwana*, kanti Bibebe ibulezi nto isili fela? “Luna ni kuikopanya kwa keleke, ni kueza *se*, kamba kueza *sani*,” kanti Bibebe ibulela patalaza sa kueza? Mwabona? Mi cwale ha u bona Sani, ni kutulela ku Sona, u ba hande ni Yona ona foo. Si zwelapili fela ku ya fahalimu, ni kuhula.

Inge pe—pe—pe peu yekena mwa mba ya musali ni lii. Mi cwale lii nyana lani ha li kala kuhula, ni kukalisa kutisa lipeu, haina kuba ni kalulo yeñwi ya mutu, mi kakulo yeñwi ibe ya njia, ni ya komu. Kaufela yona i ka hulela kuba peu ya mutu.

⁸¹ Mi cwale mwana Mulimu, cwale ya lemuhilwe . . . Leo ki linzwi le li maswe kuitusisa, kono ki Mulimu. Ki ye fa Bibebe ya Mulimu. Zibo ya Mulimu ikona kuziba isali kwa makalo, kueza lika kaufela kuli libeleke ku ya likute la Hae. Mi peu yani ye lemuhilwe yani, mo no lukela kubela, mi Mulimu a ku biza, mi peu nyana ya mbande yani ye utwile Linzwi la Mulimu, i kana iyaha kuhula, Linzwi fa halimwa leliñwi, fahali mwa leliñwi, fahali mwa leliñwi. Halina ku zwakana ni tuto ya litumelo.

⁸² Mulemuhe. “Mwa minyako ye, zazi ni zazi, ba lukela kuca mahobe amanca. Mi hakuna kuba mumela mwahala bona, mwa mazazi a sebene.” Kana ku cwalo? [Kopano ili, “Amen.”—Mu.] Masika a likeleke zesupa, he, hakuna mumela, hakuna tuto ya tumelo, hakuna sika se si ekezwa kwateni. Ina ni kuba mahobe asina mumela handende. “Kutokwe mumela o ka fumaneha mwahala mina, ni hanyinyani.” Mumela fela, ki Linzwi Kasibili, zeo kona fela. Mi Linzwi lani ki Mulimu. Mi Mulimu na ezizwe nama, ku Mutu wa Jesu Kreste, ili, yena Munyako wani. “Wani kona Munyako mo Ni ka mi katanela, kwa kulapela, ha mu latelela milao ya Mulimu.”

⁸³ Kabakaleo, haiba muna ni, busihu boo, mutahe fela, ni kubulela kuli, “Ni fa Jesu Kreste bupilo bwaka,” mi wali kuba u amuhele Moya o Kenile; utahe ku Ona. U lukela kueza cwalo. U lukela kuhula ku Ona. U kupe Mulimu kubeya Linzwi fahalimwa Linzwi, ona cwalo, kufitela uba mwa siyemo se si tezi sa mwana Mulimu wa mushimani, kamba wa musizana wa Mulimu.

Kunga lika za lifasi? Joani Wapili uli, “Haiba mulata lifasi, kamba lika za lifasi, ki kuli lilato la Mulimu haliyo mane ni ku wena.” U pumilwe. Una ni lilato la lifasi foo, mi li ku pumile, diabulosi u kupile, ka kubeya lika mwateni ni kubonisa. Mwabona? Hamukoni... Kihande, kanti, hamukoni kuzwisa Linzwi li liliñwi la Mulimu mwa Bibele.

Ki sikamañi sene si tisize sibi sa pili? Ha ki ka manzwi amatuna fela a buhata, kono kakuli Eva na a lyanganisize, diabulosi na ezize ku yena, Linzwi lililiñwi. Linzwi Lililiñwi, la loba liwenge, ni kuhana kunga Linzwi li liliñwi. Ani neli makalelo a Bibele.

Jesu natile mwahala Bibele. Ki hali, “Mutu hana kupila buhobe fela, kono ni ka Linzwi kaufela le li zwelela mwa mulomo wa Mulimu.” Leo kona Linzwi la Mulimu ka kutala. Mwa lumela kuli Yeo kona sinulo ya Hae? [Kopano ili, “Amen.”—Mu.] Linzwi la Mulimu ka kutala.

Mi, mwa Sinulo 22, Jesu natile ku Joani, fa sooli sa Patmosi. Mi Jesu, “Na Jesu ni lumile lingeloi la Ka kupaka litaba zee.” Mwabona? “Yo kaufela ya ka zwisa Linzwi li liliñwi ku Le, kamba kuekeza linzwi ku Lona, Ni ka zwisa siemba sa hae mwa Buka ya Bupilo.”

⁸⁴ Isiñi fela kubulela kuli, “Kihande, Na—Na lumela Jesu Kreste, Mwana Mulimu.” Zeo li lukile. Mi kipeto uekeza ze siyezi ku Lona. Mu li, “Ni beilwe ya lukile. Ni fa lizoho laka ku mukutazi. Na lumela ku Jesu Kreste.” Konakuli u lukela kupepwa sinca. U lukela kutazwa ka Moya o Kenile. Mwabona? U zwelepili fela ku ekeza ona cwalo, haunze uzwelepili kuya. U sweli kuhula mwa sibupeho sa mwana mushimani ni musizana wa Mulimu. Mawi!

Mulimu, wakona ku lu lukisa, ni ku luna linyolwa lani mwa bupilo bwa luna, kuli lubata kubona nto yeñwi. Ki babakai mwahali mo baba bata Mulimu kabuñata? [Kopano ili, “Amen.”—Mu.] Kiñi, si bonisa kuli kuna ni zeñata za wena. Mwabona? Usweli wa li lakaza. Butuku bwa hao bwa kupepa bwa kutahela. Mwabona? U tokwa hahulu, kuli lukone kuba baba tabile, ni baba lukuluhile, ni baba petehile. Lu lukela kuba cwalo.

⁸⁵ Inge pe—pe inge peu yenyinyani—peu yenyinyani ya bupilo ye li . . . mwa sibufa sa Mulimu, inge fela, mi peu ya bupilo inzi mwa— . . . i mwa sifuba sa mahe. Mulimu usweli kuhula; ni kuya, u ile, ku to lukisa sibaka sa luna, sibaka sa Kuyakuile ni Yena; hakuna sibaka ko kuna ni ndu ya matuku, ye shwa, sibi, bubuki, ni busafa bwa lifasi fa. Haiba munahano wa hao u ku zeo, kubonisa kuli ha li si ka taha kale mwa kutwano ni Mulimu. Mwabona? U i katalisize. Una ni mubonelo o si ona wa kuinahanelia fela.

U ikopanyize fela kwa keleke ni kubulela kuli, “Kihande, Ni wa siemba se. Boma neli ba siemba *sani*.” Zeo zakona kuba zende mwa lizazi la bomaho, kono lu pila mwa lizazai lisili.

⁸⁶ Liñusa la Wesley ne li si ke lakona kuba . . . Na si ka nga fela Luther. Luther na lumela mwa kuluka, kono Wesley nana ni kukeniswa. Mapentekota ba taha mwa mulaho, ne ba si ka nga kuluka, kukeniswa. Bona, neli nako ya kukutisezwa kwa limpo. Cwale lu ka zwa ku zeo. Mwabona?

Likalulo zetalu za—za Kota ye sweli kuhula. Yapili, ki litali nyana, Luther a taha, kuzwa kwa kuongaonga. Ku lukile. Lwani neli lutaka. Mutualime pupo. Mulimu ni pupo libeleka ka zwelopili, kakuli Mulimu umwa pupo. Mwabona? Ze tatama za taha, sibunga, mununo, lusika lwa ba Methodist. Mi kwa taha Pentekota, oh, mawi, ka kupetahala fela, mwabona, kuswana fela sina buloto bwani mo bu bonahalela inge buloto sakata, bubeke bwa buloto. Ha mu si kwalula, hakuna buloto mwateni, ni hanyinyani. Ki sikapi, ki sishimbelo sa Sona, kono Bupilo bwani bu beleka ku sona. Mwabona?

⁸⁷ Bani kwa mulaho kwani mwa lusika lwa Luther ne ba amuhezi Luther. Bupilo bwani ne butile, kono ne bu tilo ikopanya mwateni. Taba yapili mwa ziba, ki kuba fela kopano ye mafelelezo a yona ki kucisiwa. Mwabona? Ltuaka lwa oma; ki sishimbelo feela. Babañwi ba bona ba sa lika kuina mwa lutaka lwa kale lwani, hakuna ze ba ziba ka Mulimu, ba shwile. Ba li, “Kihande, mutualime, lu litali. Ne luli bo Luther.” Yeo ki niti. Kono mutualime ko se si inzi cwale. Mwabona?

“Ne luli ba Methodist.”

Mi mane, “Ne luli Mapentekota.” Kono mutualime Pentekota, mo se i batezi ni kuba ya sihalihali, kuli mane mutu ni mutu sa zwa kuyona. Mwabona? Ki sikamañi seo? Ne li sishimbelo sa Peu

ya niti. Mwabona? Zeñwi ze kaufela neli lishimbelo fela, kono ne li keni mwa kopano. Haiba u li, "Ni wa Pentekota," sani ha si talusi sesiñwi ku Mulimu kufita hane u kali u wa Katolika ya Roma kamba Mujuda, kamba kaufela so kona kuba sona.

⁸⁸ U swanelu ku pepwa, Bupilo bwani bo bu tile ka sishembelo sani mwani. U si ke wa inelela mwa lutaka. U si ke wa inelela mwa peu. Zwelapili ku ya kwa siemba se si petehile.

⁸⁹ Cwale, muhupule, mi kuongaonga kaufela ko lubile ni kona, mwahala ma Lutheran bani kaufela ni babañwi, mwa myaha yemilalu ne ba ongaongilwe. Yeo ki niti. Ancafazo kaufela ne itisize kopano mwa lilimo zetaalu.

Munahane butelele bwa ye mo i bu bezi, myaha ye mashumi amabeli ni amañwi fahalimu, mi hakuna kopano. Kiñi? Ki Peu, ye taha, ye sweli ku bupeha mwataswa sikapi, sina *cwana*. I nze ili fande, cwale i na ni kuba Fapila Mwana, kuli i buzweze mwa peu ye kanya yeswana ni Yene keni mwa mubu pili. Keleke ya luli ye ne cezwi mwa mubu, pili, itaha sinca hape ka lutaka, kuli ihule, Keleke yeñwi, mukutuli ha taha ku to I inga. Bupilo bone buile ku Luther, Bupilo bone buile ku ba Methodist, ona Bupilo bone buile mwa Mapentekota, bu ka taha mwa bubeke. Bu ka ya cwalo mwa bubeke, ni kuzwela fande, kuli bu bupe Mubili o petehile wa Jesu Kreste.

⁹⁰ Kuswana fela sina lizazi ha li pazula, kakusasana. Ha u koni kutalima ku ze bupilwe kusina kubona bupaki bwa Mulimu. Mane ha u tokwi Bibebe, kuziba kuli kuna ni Mulimu. Lizazi nyana ha lipepwa, ki mbututu ya fokola yasina mata. Ka sebene kiloko, la pahama, ukalisa sikolo. Teni kamba ilebene kiloko, li pahami. Twelufu kiloko, li inzi mwa mata a lona. Sili kiloko mwa musihali, se li supala. Sebene kamba eiti, sikisi... Faifi kamba sikisi kiloko mwa musihali, ukala ku weyuka maheta. ILa shwa. Kana kona mafelelezo ao nji? Batili. Li ka pazula hape kakusasana habusa. Ki bupilo, lifu, kupumbekwa, zuho!

⁹¹ Mutualime matali a shoshela kwa likota. La taha, ili litali lelinde, nde le libunolo; littisa muluti; ni kubeya muselo wa lona. Nto yetatama, mwa ziba, kutaha litabula, la nela fateni, lifu; likena kwatasi mwa mibisi, kukena mwa mubu hape. Kana ao kona mafelelezo a zona? Litabula lelitatama la taha hape ku to fa bupaki. Oh! Bwani ki bupilo bwa kamita.

Kono, muzwale, kezeli, luna ni Bupilo Bobusafeli. Luna ni Bupilo Bobusafeli ka yena Yomutuna Yana tile yo, ya sa ile, wakona ku lu lukiseza mubili. Mi butuku bwa kuhula bo lu utwa boo, inge mina basali baba ikutwa kunyaziwa ka se mueza, mina baana baba kumalela kwa lituto za bulapeli, ni zeñwi cwalo, kaufela mina mubata kubulela kuli, "Na—Na kona kupeta tuto ya tumelo ye. Na eza *se*." Kono kuna ni sesiñwi mwataswi ku wena, ha u bona meto a libofu a kwaluha; ni boshushu ba utwia-...libofu. Lika ze kaufela ze sepisizwe.

Mwabona Linzwi li katalizwe mwa mata a Lona. Mubone lihule, la mwa mukwakwa, li ezizwe kalibe. Mwabona ca—cakolwa ya taha fani, mi afetulwa kuba mulumeli wa Mulimu. Mawi! Mwabona? Kuna ni sesiñwi, Bupilo mwahali mwani. Mi ukala ku utwa kuli, “Kihande, mwendi Ha ni lukeli kueza cwalo.” Kono, mwabona, seo sili sona, ki sesiñwi seo Mubili wa hao kwabuse kwani utokwa. “Amu tahe.” Kono Mulimu una ni ma vitameni ona mwahali Mo kwa kalulo kaufela ya Mubili wani. Jesu u i lo lukisa sibaka mwa sifuba sa Mulimu; eeni, sha, peu nyana yelikani, mwana Mulimu wa mushimani, mwana Mulimu wa musizana.

⁹² Jesu na kupile fela nto iliñwi, mwa tapelo ya Hae ku Ndate. Mwa ziba kuli neli sikamañi sani? Nto iliñwi, kasamulaho wa sitabelo sa Hae kaufela sa Na ezize fa lifasi fa, bupilo bwa Na pilile, nzila ya Na zamaile ka yona. Na kupile nto iliñwi, “Kuli mo Ni inzi, ni bona ha be mwateni.” Na kupile kopano ya luna. Yani kona taba fela ya Na kupile Ndate mwa tapelo, bulikani bwa hao kuyakuile. Haiba mubata kubala se ki ku Muñoli Joani 17, timana ya 24. Kona kuli luswanelu ku Mu lakaza kufita kai? Haiba A lakaza . . .

Cwale a muteeleze. Haiba luli u pepilwe ka Moya wa Mulimu, seo si talusa lika kaufela ku wena. Mwabona? Ha ki buka yeñwi ya milao. Ha u pili ks milao ni zeñwi cwalo. U pila ka sishemo sa Mulimu, ili Moya wa Mulimu.

⁹³ Ni bulezi hañata cwana. Ka ku ba mubuleli, Ni kona kuya kwabuse bwa mawate. Kucwani hane Ni ka tisa musala ka mwateni, bana baka, “Cwale mutualime kwanu, bana! Muteeleze kwanu, musala Bo. Branham! Na ni muuna hao. U si ke wa ba ni baana basili ha Ni saile. Haiba ueza cwalo, Ni ka ku buha litalo ha Ni ka kuta”? Uh-huh. Mwabona?

Kuhata lihutu laka, “Bana, mwa u utw ze Ni bulela?”

“Eehe. Eeni, tate. Eeni, tate.”

“Ni utwe fela kufosa kokuñwi? Mwabona?” Mwabona? Cwale, kana leo lakona kuba lapa nji?

Cwale kucwani haiba musali ukali, “Cwale, mu felize, sha? Cwale Ni bata ku mi bulelela nto yeñwi. Bo. Branham, Na mi musala mina yo mu lobozu kufeza mbuu! Mu si ke mwa ba ni balikani ba basizana ha mu sa ile cwalo, kutoke”? Cwale, kana lani li ku ba lapa? Cwale ikona kuba nto yeñwi.

Ha lu ezangi cwalo. Na mu lata, mi wa ni lata. Ha ziba kuli Na ya, u ziba kuli ha Ni koni kuya konji haiba Mulena a ni biza kuli ni zamaye. Lu ka kubamafafasi, ni kubiza bana bataha. Lwa lapela. Se nili, “Mulimu Yomunde, ni ba balelele mulikana ka yomunyinyani, ba na ke.” Ba li, “Mulimu, a babalele bo ndate ha ba saile, ha ba sa ile.” Mi cwale ha se luya . . .

⁹⁴ Cwale, kucwani haiba Ni yo eza se si fosahalile kulo kwani? Kucwani haiba Ni fosa, ku yo fosa? Mi Na kuta ni kuya ku musala ka yani, na yema fani ni ku mu talima fa sifateho se si na ni mañonde, mi milili ya hae i fetuha limbi, Na ya ku yena mi nili, “Mulatiwa, Ni bata ku ku bulelala nto yeñwi. U ziba kuli Na ku lata.”

“Luli, Bill, Ni ziba kuli wa ni lata.”

⁹⁵ “Na ku bulelala ze Ni ezize. Ne ni ile ni musizana cwana kwa ndu.” Ni—Ni li, “Kana u ka ni swalela ka zona?” Ni lumela kuli na ka ni swalela. Na lumela luli. Kono kana Ni ka eza cwalo? Ha Ni talima, inge ni yemi fani, kubona milili yani ifetuha limbi, ni kuziba kuli u yemi mwahala ka ni sicaba, mi Ni ziba ka mwa bezi mufumahali wa luli, kikuli Ni ka eza cwalo? Ne—Ne ni ka shwa feela kufita ku mu utwisa bumaswe. Ne ni ka shwa.

Mi haiba seo, mwa lilato la phileo ku musala ka, kana kucwani he ka lilato la agapao ku Mulimu! Oh, Hakuna se ni kona kueza kuli ni Mu utwise bumaswe. Batili kutokwa. Na—Na Mu lata. Ni bata kueza lika kaufela Za—Za bata kuli ni eze. Ni bata ku i tiisa mwa Linzwi kaufela La bulezi, hakuna taba kamba lifasi libulela sikamañi. Bona, habana ku Li lumela, mane. Ni bata ku ziba sa Na ni bulelezi kueza. Mi haiba Ni tokwile sika, Ni bata kuli Yena a nife sona. Ni pilele Yena, lunze lu i puluka kwa lifasi.

⁹⁶ Mibili wa kale wo fa una ni ku ba... Halu boneñi ni mi bulelele. Mibili wa lifasi wo ona o mu iseza hahulu ngana, o mu swanisisa mwa Hollywood. U fakaufi hahulu ni yona. Hauna ku ba fa ka nako yetelele. Mwa hupula. Mu utwile sipolofita, mwabona, sa ni file Mulena, “U sweli kutiba.” Eeni, sha. Mulemuhe. Ku kaba cwalo. Mutualime fela. Cwale, Ha si ka ni bulelala kale fateni za buhata, nihaisali. Ni ka fa taba yeo ku mutu kaufela ya bata kubulela. Hani zibi kuli kilili kamba kai, kono li ezahalile. Katulo i nyendaela fahalimwa ona. Hakuna tukuluhu ku ona; i filwe. Mwabona?

⁹⁷ Cwale mulemuhe se. Lu pilele Yena, lu i kambuse kwa lifasi. Cwale mutualime. Mutualime fa maswaniso a mazimumwangala, babañwi ba mina likezeli, mi muya kwateni mi mwa bata, mina basali ba banca. U mwanana. Na ziba cwalo. Kono u Mukreste. Mwabona? Wa shutana. Ha u lukeli ku ba sina lifasi. Mu lata lifasi. Ha ki mina fela banana; ni ba bahulu babañwi. Mwabona? Kihande, si eza sikamañi sani? Mwabona? Mu buhe mazimumwangala, hamuya kwa sintolo mu ka bona tuapalo totukama to batinanga basali twani, ba ba sina bumulimu.

Kana mwa ziba se si ka ezahala ka Lizazi la Katulo? Wakona kuba fela ya sepahala ku muuna hao ka mo kona kubela, kono mwa Lizazi la Katulo u ka yo ba ni ku ikalabelka kueza boozwa. Jesu naize kuli, “Kaufela ya talima musali ka ku mu lakaza u sa mu bukile kale mwa pilu ya hae.” Ki mulatu wa mañi?

Ki wena. Mwabona? U iponahalize ona cwalo, ona tuputula twani ni tulukwe.

Musali yomuñwi naize kuna, ha ki kale hahulu, naize, “Hani tinangi tuputula, Muzwale Branham. Ni itumela ku Mulena ka seo. Ni tinanga malukwe.”

⁹⁸ Se nili, “Zani li maswe.” Zani li maswe. Yeo ki niti.

⁹⁹ Mane ha ukoni ne ba kuleka ndelesi, batili, ku musali. Ki hali, musali alimuñwi ali, “Kihande, u bulezi niti. ‘Ha u koni. Ha u koni ku i leka.’” Kono ba sa lekisanga libyana ni kuba ni mishini ye luka libyana. Mwabona? Kacwalo hakuna buinyazo, ni hanyinyani. Mwabona? Mwabona?

Sa bonisa, kezeli. Ni muzwale wa hao. Mi Ni mutanga ku Kreste, ya lukela ku yo ikalabela fa Mayemo a Katulo ka se Ni bulela busihu boo. Mwabona? U ka yo yema, ni mulatu wa boozwa, kakuli lilato la Mulimu li puyile mwa pilu ya hao. U sa ya kwa keleke. Wa kona kubinelanga mwa Moya. Wa kona ku bulelanga ka malimi. Mi lika zeo ki zende, kono ha ki Zona pili. Batili, sha.

¹⁰⁰ Muhupule, Bibele iize, “Mwa mazazi a maungulo ku ka taha Bokreste ba buhata,” isiñi Bojesu ba buhata. Ne ba sike ba yemela ze cwalo. Kono, “Bokreste ba buhata,” ba ba tozizwe ka buhata. Ba tozizwe luli ka Moya, ka Moya o Kenile, mi ba sa li ba buhata. Mwabona? Kuna ni bababeli . . .

¹⁰¹ Kuna ni batu ba balalu ku wena. Sa kwande ki si mubili. U na ni maikuto a faifi, o itusisa kwa kutamahana ni lifasi la cwale. Za mwahali ki moya. Kuna ni maikuto a ketalizoho mwani, lilato ni lizwalo, ni zeñwi cwalo, wa swalisana ku zona. Kono se sili mwahali a sani ki moyo.

¹⁰² Muhupule, “Pula ineleta ku ba ba lukile ni baba si ka luka.” Yona pula yeswana ye ka melisa buloto kona ye melisa ni mikona. Mwabona? Ki sikamañi sani? Mwahali a peu yani kuna ni sibupeho, mi sibupeho sani sa i ponahaza, si iponahaza sona siñi. Ya kona kuyema mwa simu yeswana, ona mwani hamoho ni mikona. Mikona ni buloto li yemi hamoho, ni ku nyakalala fela ka kuswana. Toho ya yona inata fafasi. Ina ni tala bakeñisa mezi. Mi pula ha i taha, mikona ya kona kuhuwa ka butuna mane inge buloto mo bukona kuhuwela. “Kono ka miselo ya bona mu ka ba ziba.” Mwabona?

¹⁰³ Bakreste, Mwendi hanikoni ku mi bona hape. Mwabona, seli myaha kuzwa fo Ni bezi kwanu. Hakulata hanikoni ku mi bona hape. Zamaya hande ni Linzwi la Mulimu. U talime mwa siiponi.

Inge mushimani yomunyinyani nako yeñwi, na pilanga kwa matakanyani, ali kuba abone fateni siiponi. A taha kwa—kwa ndu ya bo ndatahe ba basali. Akala ku zamaya fa mahatelo. Abona siiponi, mi abona mushimani yomunyinyani mwa siiponi. A zwelapili kutaha bukaufi, atalima. Mi a nyunga lizoho, mi

mushimani yomuñwi yani wa nyunga lizoho. Mi azwelapili kutalima. Na si ka ipona kale kale fateni mwa siiponi. Kacwalo ha na sutelezi bukaufi hahulu ni sona, a sikuluha, ali, “Kiñi, Ima, kina yoo!”

¹⁰⁴ U bonahala cwani, mwa siiponi sa Mulimu? Kikuli si bonina mwana wa musizama kamba wa mushimani wa Mulimu? Kana kuna ni sesiñwi, seo, u utwa Kuli, kana si ku eza kuli u toye mutu ya Li bulela? Kamba, kana kuna ni sesiñwi se si hoha, kuli, “Ni ziba kuli muuna yoo ubulela niti sani si mwa Mañolo”? Kipeto, ao kona ma vitameni a tokwahala kwa mubili o lukisizwe kubateni woo, ndu yeo yomuñwi aka tokwa ha mu ka yo fita kwani. Mwabona? “Yona ndu ye; haiba lu pepilwe ka lifasi.”

¹⁰⁵ Cwale muhupule, lu nahana hahulu zeñata ka mubili woo. Lu u tinisanga hahulu litino zeñata. Lueza lika zeñata hahulu, kuli mane, ki kuswalelela kucinca na kucinca na kucinca, ni lika ze kaufela. Mi—mi, oh, ki batu kaufela.

Mutuhele fela kuli mutu akalise nto yeñwi. U sa penta fela mahatelo a fa munyako bufubelu ukabona kuli ni bona ba ha Jones bapenta bufubelu. U cince fela kuzwa mwa Chevrolet kutaha mwa Ford, ni bona habana kuinelela ku ya kale. Ki nako ya kucinca. Mu tuhele kuli... Mu tuhele musali atahe kwa keleke, mufuta omuñwi wa kuwani cwalo, mutualime basali kaufela baba ikungela zeo; sihulu musala mulisana, mwabona, mutualime fela se si ka ezahala. Cwale, yeo ki niti. Yeo ki niti luli. Ki nako ya ku swanisia lika. Muzwale, i lukela kuba nako ya kuswanisia lika. Mi kaufela zeo—kaufela lika zeo ki—ki za mulelo.

Hanina taba kamba koti yaka izamaelela ni bulukwe. Mi Ni na ni nako yetata. Musala ka kamba mukwenyana ka wa musali, alimuñwi fateni, una ni ku ni bulelela mufuta wa—wa liyebela le li swanela ni sibyana. Ha—Ha nina taba kamba za swanelana, mane. Ni bata kuli kutwisiso ya ka i zamaelele ni Linzwi la Mulimu. Yani kona taba, kakuli foo kona ko Ni bata kupilela; isiñi kwabuse bwa lilulu kokuñwi ni ba ha Jones, kono mwabuse mwa Kanya ko kuinzi Jesu, kwa i le ku yo lu lukiseza sibaka. Eeni, lwa bata cwalo. Eeni, sha. Mube kwahule ni ze kaufela.

¹⁰⁶ Ona tabernakele ya kale ya lifasi ye kwanu, mwa ziba seo sili sona? Mubili wo uswana sina koti ya kale yo tinanga, koti yo kile wa tinanga nako yeñwi. Kono cwale u na ni yeñwi yende ni kufita, yo sa itusisi cwale. Ki sikamañi so ka eza? Wa si paheka mwa libulukelo la libyana, kakuli una ni se siñwi se sinde. U na ni koti yende. Ki sesinde kwateni kufita so no tinanga, sani se si felile. Sikamañi? Ki sapalo sani. Wena u mwahali a sibaka sani. Sapalo sani si ezahalile cwani? Si lwezi siswaniso. Mwabona? Kono hamutokwi seo ni hanyinyani cwale. U si pahekile. Ki lisila.

Mi cwalo kona mubili wa kale wo mo uinezi, wena, u lwezi siswaniso sa lihalimu. Ibo, ha ki wena. U mwahali a mubili wani. Wena, Moya wa Mulimu, u mwahali a mubili wani. Seo kona se si tisa za kwande kuba ka likute, kakuli za mwahali za u hoha, mwabona, ku u tisa mwa sikuka ni Linzwi la Mulimu; za mwahali kuwena, wena kasibili, butu bwa hao.

Mubili wo ki koti fela ya kale. Mi zazi leliñwi, uka eza sikamañi ka ona, kakuli no li fela—neli fela sapalo fa nako nyana? Sani si swana sina sapalo sa lifasi; mubili wo. Mubili wa—wa hao wa niti, wena kasibili, uinzi mwahala koti ya kale yebiza kuli William Branham, kamba Susie Jones, kamba ki mañi kaufela. Mwabona? Zazi leliñwi u ka yo nyendaela mwa muyaho wa kupuzo ya hao. Mu ka yo u pumbeka mwa libita, mi yomuñwi u ka limba fateni licwe, “Fa kulobezi Rev. wa *Kuli-ni-kuli*, kamba John wa *Kuli-ni-kuli*, kaba wa *Kuli-ni-kuli*.” U ka lobala mwani ka kupuzo ya hao. Sicaba si kubona fela ku *wo*. Ni so noli sona, wena mwa niti, ne si ipatile mwahali ku wena. Kono haili koti ya kale, yona fela, i “lwezi sibupeho sa Lihalimu.”

Oh, sicaba, kikuli mu lukisize kale liapalo za ku cinca? Kikuli mu lukisize libaka za kufitela kwa Lihalimu? Muhupule, mu lukela kuba ni libaka za malobalo. Hamukoni kukena kusina zona.

Ni ambola ku mina mwa mushobo wa kacenu cwale, kuli mu zibe. Haiba uya kwa hotela, uli, “Kihande, Ne ni na ni . . .”

¹⁰⁷ “Kana no bulukiselize cimo mafitelo? Kihande, Ni swabile. Libaka kaufela li tezi.” U fande mwa silami, kakuli u palezwi kuba ni mafitelo.

Mi haiba utaha kwa mafelelezo a musipili wa bupilo bwa hao, kusina libaka za mafitelo, hakuna kuba ni Alimuñwi ya ka ku amuhela kwani. U ka yo kena mwa sibaka se si nsu sa Kuyakuile ko ku ka yoba kuhuwaka, ni kulila, ni kubokolola, ni kukweca meeno. Wa swanela. Ha u koni ku kena mwa Tolopo, wena, kakuli hauna mafitelelo. U lukela kuba ni ona, kuli ukene mwa Tolopo, koo Jesu u i lo ku lukiseza sibaka. Muhupule, u lukela ku ba ni mafitelo, ni sapalo sa puluso, utinile. Ha u koni.

¹⁰⁸ Mwa Mateu, Nina ni Liñolo fa. Ni bata Liñolo, Mateu, twenty- . . . 22:1 kuisa fa 14. Hanina nako ya ku ibala zeo, kakuli se li busihu luli. Ni ambozi nako yetelele luli, ku mina. Kono muhupule, mulena na lumile mi alukisa mulalelo. A bulaya linamani za hae kaufela, ni—ni kubeka ze nunile hande ni zeñwi kaufela, nana ni mulalelo omutuna. Mi a luma, ni ku biza babañata kuli ba tahe.

Alimuñwi ali, “Kihande, mwa ziba, esi na, Ni wa siemba se.” “Mi Ni na ni se.” “Ni na ni kuya ni matema.” Mi alimuñwi aeza lika zeñata. Mi a luma hape, mi ba ba mu nyandisa. Mi mafelelezo . . . Lwani neli lusika lwa Sijuda, loo Jesu na ambola ku lona. Ne ba na ni sa kueza.

Mi, mafelelezo, a luma kwateni, "Mi ali... Zamaya. Fela usike... U ba hapeleze feela. Zamaya mwa mikwakwa ni makululu, ni libaka kaufela, mi u ba hapeleze kuli ba tahe." Mi kasamulaho wa fani, a bona kuli ndu ya hae... Mulalelo wa hae wa sinawenga no ka tomiwa. Ku kaba baeniyi kwani.

Mi cwale afumana muuna mwani ya si na sapalo sa mukiti. Na bata kuswalelela kwa koti ya kale. Mi mutualime sa na bulezzi. "Mulikani, kasamulaho Ni ma no ku mema kwa mukiti waka wa sinawenga, mi Na ku mena ni kufile memo kuli u tahe!"

¹⁰⁹ Mi haiba mukile mwa pila mwa linako za Kale, kakuli Ni kutalize kwani hañatañata, mukiti wa sinawenga u sa ezahala ona cwalo inge mo no ezahalelanga. Munyali, yoo, kaufela, u na ni baeniyi babañata hahulu ba kaba ni bona. Mwendi, Muzwale Kopp, mwendi u i boni fateni kwani kwa India. Mwabona? Bana ni baeniyi hahulu babañata ba ka buza; lu bulele kuli u ka buza baeniyi baba mashumi amalalu.

Cwale, munyali una ni kulukisa liapalo. Una ni ku ba fa zona, kabakaleo kuna ni muuna ya yemi fa munyako. Mi wena u taha ni memo ya hao. U ka tatuba memo ya hao ni ku ku apesa sapalo, lisila. Kuli, babañwi ba bona ki bafumi, mi babañwi ba bona ki babotana, mi babañwi ba bona ba shutana, kono kaufela ba bonahala kuswana ha ba apezi liapalo zateni zeo. Kaufela ba bonahala kuswana.

Mi muna ni kuswana kaufela mina. Hamuna ku ba cwalo, lubulele kuli, "Ni wa Methodist kulo *kwanu*. Ni wa Presbyterian *fa*." Oh, batili. Hamuna kukena mwateni, ka kukala. Mwabona?

Mu lukela kutaha ka Munyako. Jesu naize, "Kina Munyako kwa mulaka wa lingu."

"Ni wa Pentekota. Ni wa *se*. Ni wa *sani*." Sani ha si talusi nihaiiba nto iliñwi.

U taha ka Munyako wani. Mi ha u taha ka Munyako wani, u ka fiwa sapalo.

¹¹⁰ Mi muuna yo, ha na bulezzi kuli, "U keni cwani mwahali mo, mulikani?" Mwabona?

Ne ku bonahalile kuli na tile ka nzila isili, mi ataha ka lihaulo, ataha ka nzila ya kwa mulaho, kono isiñi ka sikwalo sa munyako; isiñi ka Munwako, nzila yana tile ka yona Jesu, ka sitabelo sa kuipa; kufa za hao ku Mulimu, ni kuya kwa Kalvari ni ku kokotelwa ni Yena. Ni kuzuha hape, kuli atine sapalo sa Hae sa sitabelo ni lifu kwa lika za lifasi.

¹¹¹ "Haiba mulata lifasi, kamba lika za lifasi, lilato la Mulimu mane haliyo ku mina." Mwabona? Haiba u sa na ni lilato la lifasi, ubata kueza sina lifasi, ni kueza sina lifasi; wena u lika... u na... Ibo, u mwa keleke, kono u mufuka mwa libunda la buloto; wa huwa ni babañwi ba bona, wa nyakalala ni babañwi ba bona. Limbuyoti za moya kaufela li ku wena.

U li, "Kihande, Na polofitanga." Ki mwa na ezeza ni Kaifasi. Ki mwa na ezeza ni Balami. Seo hasina sa kueza . . .

¹¹² "Ni na ni kolobezo, ona Moya o Kenile." Sani niteni hasina sa kueza ni sona. Yani ki mpo fela ya swalelele ku wena.

Mpo ya luli ki moyo wa hao mwatasi mwani, mwabona, o pepilwe ki Mulimu, mi sani si zamaisa taba kaufela kwa Linzwi la Mulimu ni tato ya Mulimu. Mi ki fo he cwale, mwabona, konakuli u mwana wa mushimani ni wa musizana wa Mulimu. U mwana Mulimu. Mi lika ze, ha unzo taha cwalo . . . Inge me, cwale u mwa mala a mubu, zelika ku mela. Wena u mwana Mulimu, ya hula cwalo, mi u bona Linzwi se li bulela, "Ni swanelia kueza cwana. Ni swanelia ku pepwa sinca."

"Kihande, Ni wa siemba sa keleke." Seo ha si talusi nihaiba nto iliñwi. Mwabona?

"Ni wa Methodist; boma." Zeo ki zende ku bo maho.

¹¹³ "Kihande, mawi, Ni wa Pentekota, Ni wa siemba sani." Haiba ha u lumeleleni ni Linzwi lani, kuna ni se si fosahalile. Mwabona? Mi, wa bona, ndataho ba niti ha ki Mulimu. Mwabona? Kakuli, sani luli si kala mwa moyo wa hao, mane ku si kaba kale ni moyo, neli moyo wa hao. Moyo wani no si ka zwa ku Mulimu, kona kuli ne si peu ya Mulimu, ka kukala. U pumilwe. U fa libunda la mufuka ni upakelana ni lifasi ka mufuka o sweli kutaha cwalo. U eza sina lifasi, ku lata lifasi, kakuli lilato la Mulimu haliyo ku mina.

¹¹⁴ Mi cwale ku kaba baba tozizwe ka buhata mwa mazazi a maungulo, isiñi Jesu wa buhata. Habakoni kuyemela zani. Kono, "mahata," ba batozizwe. Ba tozizwe, eeni, sha, kono ki balwanisi ba Kreste. Ba tozizwe ka Moya, kuli baeze lisupo ni ze komokisa za na eza Kreste, kono habana kuyema hande ni Linzwi la Hae. Mwabona?

"Babañata baka taha ku Na, ka Lizazi lani, ni kubulela kuli, 'Mulena, kana ha Ni si ka polofita nji, ni ku leleka mioya ye maswe, ka Libizo la Hao?'"

Yena uli, "Muzwe ku Na, mina baezi ba ze maswe. Nali kuba ni mi zibe."

"Ne nili wa Pentekota, Mulena. Kanya ku Mulimu! Ne ni huwile. Ni bulezi ka malimi. Mi Na beya mazoho fa bakuli, ni ku ba folisa, ku leleka mioya ye maswe."

"Muzwe ku Na, mina baezi ba ze maswe. Nali kuba ni mi zibe."

¹¹⁵ Mwabona se Ni talusa? Oh, banana babanyinyani, kana mwautwa butokwa bwa vitameni yeo busihu boo, kuli ki nto yeñwi? Kuna ni mubili o libelezi kwabuse kwani. Kuna ni mubili o libelezi ku amuhelwa. Sicaba, musike mwa pumiwa. Musike mwa pumiwa. Diabulosi ki mupumi. Neba ona—ona sapalo sa sinawenga, u lukela ku Si tinanga. Si lukela kuba cwalo.

¹¹⁶ Cwale lu kwa nako ya manzibwana. Mubili wa lifasi u itukisize ku sinyeha, mi lu itukisa kukena ku wa Lihalimu. Mi cwale luikutwa kuba ni pizo yenca, ya Mulimu, kuli lu ye kwa Edeni yetuna yee. Mi lu si ka pepwa kale mo, mibili yaluna yenyinyani ya lilela sika se—se si lukisizwe, ku si cwalo ne lu ka ba mwana ya kula nji cwani. Mulimu haana matata mwahalimu mwani. Bona, mañi ni mañi, ka swanelo handende, Munyaliwa inge fela Munyali mwa na bezi, Linzwi le li bonahalile mwa mwaha wa Lona. Mulimu lumeleza, busihu boo, bana, mañi ni mañi wa mina! Kuna ni Lihalimu kwa kuya. Kuna ni lihele la kuinela kwahule ni lona.

¹¹⁷ Cwale, buñata bwa mina mu ziba kuli Mulena uni file lipono, likitikititi za zona. Nto yetuna hahulu... Ne ni sabanga lifu. Mwendi lilimo zetalu kwa mulaho, ne muboni Baana ba Pisinisi ya Sikreste, *Kwabuse Bwa Lisila La Nako*. Ni lemuha kuli mwendi Hanikoni kupila mwa busihu boo. Hakulata hani koni ku mi bona hape mwa bupilo bwaka mo, kono ye ki niti. Ha—Ha ni zibi kamba Ne ni ka biza yani kuli ki pono, kamba neli sikamañi.

Kakusasana omuñwi, kwa mulaho nyana, Ne nili... Kona ha ne ni sa zuha fela. Ne ni zwa kwa mukopano. Mi musala ka na lobezi fani, mwa buloko. Se nili, "Mulatiwa, kana wa tonas?" Na sa lobezi. Ni ziba kuli ne lu na ni kuzuha, kuli luise bana kwa sikolo.

Mi Na beya mazoho kwa mulaho wa toho, sina *cwana*, mi Na li, "Kihande, nali, Bill Branham, kana wa ziba kuli so fitelezi mashumi aketalizoho? Wena, haiba uka ezeza Mulena sika, ki hande u akufe, kakuli hauna nako yeñata." Na hupula kuli, "Mawi, Ni sepa kuli Ne ni ka pila kubona Kutaha kwa Mulena Jesu."

Ne ni banga ni zona mwa munahano, kuli—kuli ha lu shwa, Ne ni ka bona, sina, muzwale *fa*. Ne ni kali... "Eehe, no kutalize mwa keleke yaka, busihu bobuñwi fa lifasi, Muzwale Branham." Kono, ki—ki moyo, Ne ni si ke na mu lumelisa mwa lizoho, kakuli lizoho la hae li mwatasii mwa libita mwani, li bolile, mwabona; ni la ka, cwalo. Ne ni nahanganaga ona cwalo.

¹¹⁸ Kono kakusasana wani, fani, Na utwa kuli Sesiñwi sa ni tahela, mi Na hupula... Hañata, inge pono ya taha. Mi Na talima, mi Na—Na talima. Na hupula kuli, "Mawi! Ki sikamañi se?" Mi Na talima, neli malundu amatuna, a mubala wa butala. Mi basizana ne ba taha cwalo kai ni kai, ka palo ya mashumi a likitikititi, ni mianda anda ya likitikititi. Mi ne basweli kutaha kaufela bona, milili yemitelele inge ilepelela kwa mikokoto ya bona, bakabile zesweu, basina maheta kwa mahutu, inge ba huweleza, kuhuwaka, "Muzwale waluna!"

¹¹⁹ Na—Na hupula kuli, "Cwale, se ki sesinca." Na sikuluha ni kutalima kwa mulaho. Kina yani faale inge Ni lobezi, mi ni

musala ka naliteni fani, ali kulobala fa mubeta fani. Mi se Nili, “Cwale, mwa ziba kana? Ni shwile.” Se nili, “Sani, sani kona se si ezahalile. Ni—Ni shwile.” Mi se Nili, “Mwendi ni bile ni butuku bwa pilu, kamba nto yeñwi. Ni shwile. Ki wani mibili waka.” Ne ni lobezi fela fani ni mazoho aka kwa mulaho, ona *cwana*, na li kuoma fela. Na hupula kuli, “Ha ki liñokolwa ze mashumi amabeli kuzwa kuna.” Mi Ne nili fani, inge ni talimela. Na hupula kuli, “Yani ki . . . Ki yani musala ka fani. Fani, ki zani lika kaufela. Ki yani fani hembe yaka inge inyendaela fa mumbeta fani.” Mi Na hupula kuli, “Kina Yo.”

¹²⁰ Na talima kwa ni kwa hape, mi basali bani kaufela ne basweli kutaha. Mi nebali . . . Na talima, kutaha neku *le*, mi kwa taha mizwale yaka. Oh! Ki ba niti. Kaufela bona ne ba bonahala kuba mitangana. Ne ba huwaka, “Muzwale wa luna yomunde!” Oh, Ne ni sa zibi sa kunahaha.

¹²¹ Na hupula kuli, “Se ki sesinca.” Na talima kwa mulaho, mi ne Ni si muuna muhulu. Ne nili mwanana. Na hupula kuli, “Ye ki nto yenca.” Na hupula kuli, “Kana ye ki pono nji?” Na luma munwana waka. Mi Na hupula kuli, “Batili. Ha ki mufuta wa pono ye Ni bile ni yona fateni.”

¹²² Mi, kwani, Sesiñwi sa kala kuambola kuna *fa*, mi sali, “U keni ni sicaba sa hao.”

Na hupula kuli, “Ni sicaba sa hesu? Kana ba kaufela ki baha Branham?”

¹²³ Ki hali, “Ki baba sikululezi ku Kreste ba hao.” Mi basali ba . . .

Mwa ziba kuli Ni bile ya talimwanga kamita, bakeñisa kuli ba ni biza kuli “ya toile basali,” kono ha Ni cwalo. Mwabona? Kakuli, Na lumela . . . Ha—Ha—Ha ni lati butanya, ku sa ipuluka. Na lata luli, likezeli za niti za Kreste. Haiba ku cwalo, ku lukile.

¹²⁴ Ne ni na ni mañiba amañwi hane Ni li mwanana. Na ziba lika ze ne ezahalile kona ze ne ni nyandisize ka nzila yeo. Kono neli—neli fela Mulimu, inza bupa, ku ni bupa ka hola ye. Mwabona?

¹²⁵ Ni sepa kuli wa niti, kezeli wa sakata, hakuna yomunde kufita. Haiba Mulimu na ka fa muuna sika sesinde kufita piliso, Na ka mufa musali. Mwabona? Mi kacwalo, he, kambe Na kafa sika sesinde kufita seo, Na ka si eza. Mi kubona babañwi ba fetuhe mi ba palelwa kueza sina musali ya nyezwi, baba sa sepahali kwa buitamo bwa linyalo la bona, ni baana ba bona baeza ka kuswana. Mu hupule, mu tamahani haibile mwa pila, ku mañi ni mañi. “Seo Mulimu akopanyize mwa lifasi, si kopanyizwe ni mwa Lihalimu hape.” Mwabona?

¹²⁶ Mi kacwalo he Na—Na bona sani. Mi basali bani ba mata inge ba ni beya mazoho, ni ku ni kumbatela, ni ku ni biza kuli, “Muzwale!” Cwale, nebali basali, kono haku koni kuba sibi mwa sibaka sani. Mwabona? Nebali basali. Kono, mwabona, se si lu

ezize cwale, musali ni—ni maikuto a foso, maikuto a foso ya musali, ni muuna ni maikuto a foso ya siina, ki a kuhuliseza bana. Kwani haana ku yoba teñi. Kwani ku ka yo ba maikuto alimañwi fela, kono akaba mwa mufuta omuñwi. Siswaniso sa lifasi sene ba nani fa si ka yoba kwani, kono hakuna ku yo ba sibi. Kaufela mina mwa swana. Hakuna ku yo ba bana baba ka utiwa kwani. Mwabona? Yeo ki niti. Kukaba ona cwalo. Mi kacwalo Na talima, ni basali baa.

¹²⁷ Mi ba ni nanula. Mizwale bani ba ni inisa fa sibaka sesiñwi cwana. Se nili, “Kiñi ze mu ezeza cwana?”

Ki hali, “Mwa lifasi no li mueteleli.” Mi ali—mi ali, “Wena . . . Ba ki sicaba.”

¹²⁸ Mi nekuna ni musali yana tile. Ki hali, “Muzwale waluna yomunde.” Musali yomunde luli!

Mi ha to fita, Linzwi la utwahala, lali, “Kana ha u mu hupuli?”

Se nili, “Batili.”

La li, “No mu isize ku Kreste inge akuma fa myaha ye nainte. Mwabona? Kikuli ha u boni ha bulela kuli ‘muzwale yomunde’?”

Na li, “Kihande, kikuli—kikuli wa ya . . .”

Ali, “Batili. Lu libelezi kwanu.”

Se nili, “Kihande, haiba Ni timezi, Ni bata kubona Jesu.”

Ali, “Ha u koni ku Mu bona cwale. Le kona Liñolo lani, lelili, ‘Miyo yeli mwatasa aletare.’ Yena u pahami nyana fela. Zazi leliñwi Uka kuta. Lu ka kutela mwa lifasi. Ha lu cangi kamba kunwa kwanu.”

¹²⁹ Se nili, “U talusa kuli kona ze Ne ni saba ze? Kiñi, se . . .”

Hakuna linzwi la kubulela ka lona, balikani. “Ki le lipetehile,” halikoni—halikoni ku ngunyuta fateni, “bunde.” Hakuna mushobo wa Sikuwa o Ni ziba, hakuna linzwi ni hanyinyani, le li kona ku bulela seo lili sona. Lifitelezi sika kaufela se Ni ziba. Ki yani nali fani. Nekusina matuku, hakuna maswabi. Hamukoni kushwa. Ha ukoni kueza sibi. Ne ku petahalile feela, ku petahala feela. Balikani, ha mu lukeli, ha mu lukeli ku palelwa kufita teñi. Muhupule.

¹³⁰ Mi hane Ni li mushimani yomunyinyani, Na bona pono ya lihele, inge nili fela mushimani yomunyinyani. Mi mwa ziba mo likalibe kacenu, kamba basali (kalibe hakoni kueza nto yecwalo), baipenta meeto inge sitongwani, kamba nto yeñwi ye cwalo, mubala wa bundilu wani mwatasa liito la bona. Ne ni boni sani. Ne ni sweli kutiba. Inge nili feela mushimani yomunyinyani, Ne ni kunupilwe, mi Ne ni lobezi, kubata kushwela mwa sipatela. Mi Ne ni ziba kamita kuli kuna ni Mulimu.

Ni hupula tapelo yapili ye Ni kile na lika kulapela. Taba fela ye Ni kona kubulela . . . Hani—Hani si ka bulela kale taba ye

fateni. Ni ikutwa fela kuli Ni ka i bulela cwale. Ne ni kunupilwe, inge ni lobezi kwani, inge ni shwa mwa simu. Mi kupo fela yene Ni nani ku Mulimu, Se nili, “Wa ziba, Mulena, Nali kuba ni eze boozwa.” Mwabona? Hane ni li mushimani yomunyinyani, wa sanana mwendi wa lilimo ze lishumi ka ze ketalizoho za kupepwa, Ne ni lika kupila hande. Mi se Nili, “Ni pilile ka kukena.” Mi kona fela ze Ni kona kubulela. Kona fela bunde bo Ni kona ku fa ku Yena.

¹³¹ Mi cwale ni sa lobezi fani, cwale, dokota ha na sa ni siile, mi Na ikutwa kuli ne ni wela mwa mukoti wa Kuyakuile, mo no bonahalela. Na huwa kubiza bondate kuli, “Oh, tate, ni tuse.” Nekusina tate kwani. “Ima, ni tuse.” Nekusina mbona kwani. “Mulimu, ni tuse.” Nekusina Mulimu kwani. Neli butelele bo bu tungile, bo busabisa, oh, kusabisa maswe! Lihele lelituna, ka malimi alona likona kuba hande, kufita kuba kwani. Ni ku wela mwahali mwani, Na hupula kuli, “Oh, mawi!” Fa ni fa, sina *cwana*. Na kena mwa sibaka, mo ne kuna ni musi, ni lififi, ni bumaswe. Mi, oh, maikuto a cwalo! Neli lifu ku na.

Mi Ne ni bona basali bani inge ba ni tahela, ni meto a pentilwe ani cwalo. Cwale muhupule, seli myaha ye fote-faifi kwa mulaho, mwendi ikona kuba fote-faifi myaha kwa mulaho, mane. Inge baya, ha baya neba utwahala kuli, “Ohhh! Oooh! Oooh!”

Se nili, “Kana Ni kaba kwani kuyakuile?”

“Kuyakuile.”

¹³² Se nili, “O Mulimu, haiba U ka ni lumeleza kuzwa mo, Ha—Ha—Ha nina ku Ku swabela hape. Hanina ku swaba. Mulimu, shangwe aku ni fe kolo.”

Taba yapili mwa ziba, Na ikutwa kuli nakuta kutaha fahalimu. Mi dokota a bizwa, kakuli pilu ya ka neisweli fela kunata ka linako ze sebentini fa muzuzu. Ne se ni zwile mali kaufela mwa mubili ni zeñwi kaufela, ne ni lobezi fela mwa sikapa sa mali. Mi Ni bile ni komokanga, zazi leliñwi se ne si ka ezahala?

¹³³ Mwendi lilimo zepeli kwa mulaho, hane Ni ile kwa Tucson, Ne nili ni musala ka kwani ku J. C. Penney's. Ne ni inzi fani sina *cwalo*, mi ni toho yaka inamezifafasi, inge ni libelela. Kakuli, mwa ziba mo kuinezi, likalibe, ba lekanga nako yetelele. Mi ne Ni—Ne ni inzi fani, toho yaka inge italimezifafasi sina *cwana*. Mi sikwepe ne si sweli kutaha sipahama. Mi ki bao basali babañwi ba taha, ni mukukulelo wa milili kusiyanga fahalimu *cwalo*, mwa ziba, sina mo baezezanga, ona *cwalo*. Ba taha ni meto a pentile cwalo ani. Mi ne basweli kubulela si Spanish. Mi ona cwalo. Kaufela zona (pono) ne i kutezi fateni hape. Ki yani neili fani, “Oooh! Oooh!”

¹³⁴ Muzwale, kezeli, mutuhele ni mi bulelele nto yeñwi. Ikona kubonahala kusehiwa cwale, kono ha u so fitile kwani. Ki nto yetata. Usike wa ya ka nzila yeo.

¹³⁵ Na, sina muuna muhulu, mukutazi, Ni kutalize kupotoloha lifasi, ni nani ma milioni a balikani, kono Ni ziba kuli Ni lukela kuyema ni mina kwabuse kwani. Muzwe kwa lika za lifasi. Mi haiba kuna ni sesiñwi ku wena, kuli u sa bata kueza ka nzila yo eza ka yona, haiba una ni lika za lifasi ku wena, uhupule, ha u wa Mulimu. Wena u membala fela wa keleke, kufitela pizo yeo; buliba bwani, bu bizana ni Buliba. Mwabona?

¹³⁶ Inge, ku si kaba kale ni muutwa fa mukokoto wa tapi, ne ku lukela kuba mezi kuli i tape mwateni, pili, ku si cwalo, ne i si ke ya ba ni muutwa wa kutapisa.

Ku si ka ba kale ko—ko kota kumela mwa mubu, neku lukela kuba lifasi, kusi cwalo ne ku si ke kwaba kota yene ka mela ku lona. Ne ku si ke kwaba ni tuso ya kuba kota, ni kuli i be teñi.

¹³⁷ Ku sikaba kale pupo, ku lukela kuba Mubupi. “Bafuyozwi baba na ni tala ni linyolwa la kuluka.” Mwabona? Kuna ni sesiñwi ku luna. No nanuzi lizoho la hao fa nako nyana yefitile, “Ni bata hahulu za Mulimu.” Mwabona? Kuna ni se si tokwhala.

Mi haiba u lata lifasi, u zamaya cwalo, lika za lifasi, u ka zamaya ni lifasi, mi u ka be u wile. Mwabona? Amu zwe. Mu bana ba bashimani ni basizana ba Mulena, ki Mulena. U be kalibe ni mutangana. Mu zamaye sina Bakreste. Mupile sina Bakreste. Mueze sina Bakreste. Muhupule, Ni ka mi katana fa Museto wa Katulo ni manzwi ao. Mwabona?

¹³⁸ Mutualime mwa siiponi sa mina sa kutalimela, busihu bwa kacenu, mi mubone. “Ki nzila ifi ye Ni libile? Kana Jesu wa ni lukiseza sibaka, mubili? Mubili wani u petahalile. Mubili wani u zamaya ka swanelo. Ki mwana wa mushimani kamba wa musizana fapila Mulimu. Mi ni Na ni butuku bwa kupepa *fa*, kuli ni pepwe mwa mubili wani. Haiba Ni sa lata lifasi, si ni bonisa kuli (Ha ni cwalo) Hanina mubili kwani. Ni membala fela wa keleke. Ne ni si peu ya Mulimu. Ha ni cwalo. Ha ki Ndate ku na.”

¹³⁹ Na ize, “Ha mu sa itiisi kalimelo,” kona ze mu sweli ku amuhela cwale, “konakuli mu bana ba mwa bunyazi, mi isi bana ba Mulimu.” Nji ha ku cwalo? [Kopano ili, “Ki cwalo.”—Mu.] Kana Bibele ibulela cwalo? [“Amen.”]

Haiba ha u koni kuitisa ha u kalimelwa ki Mulimu, ha u bona Mañolo inge ataha hande ka swanelo, mi u li, “Oh, Hani lati kuutwa Lika zani. Ni—Ni Mukreste. Ni eza cwalo . . .” Ku lukile. Zwelapili cwalo. Mwabona? Ki bupaki bwa kuli ha u mwana Mulimu.

Kono mwana wa niti wa Mulimu u lapile ni kunyolelwa. Kiñi? Haiba kuna ni Sesiñwi mwa pilu ya hao, se si ku bulelela

kuli wa si bata, mi si tokwa kwani, ku bonisa kuli kuna ni Sesiñwi sesi sweli ku pikuluha, sesi lika ku hohela kwani. Kuna ni mubili mwani, *wo* ki wa mufuta fela ku wani. U itusiseza sikamañi wo, kwa ku nyakalisa diabulosi ni lifasi, ni mafasho ni lika zeñwi? Kana utalimela kwa Lihalimu, kuna ni sesiñwi fahalimu fani, usweli kulumbeka Mulimu ka bupilo bwa hao?

Miyaho ki ye miñata mwa munzi wa Ndate: kabe ku si cwalo, kabe Ni mi bulelezi. Mi Ni sa yo mi lukiseza sibaka.

...mi ni ka kuta hape, kuli ni to minga; kuli mo Ni inzi, ni mina mu be kwateni.

¹⁴⁰ *Lika Ze Lukela Kuba Teñi.* Li ka zeliteñi cwale, ki muluti fela, ze biza lika ze lukela kuba teñi.

Halu lapelefñi.

¹⁴¹ Munahane ka kusepahala. Kana muka eza cwalo balikani ba Bakreste? Munahane ka kusepahala luli, fa nako nyana feela. Ha lu kuzeni fela fa nako nyana. Moya o Kenile ha u bulele.

Cwale, Mulena Jesu na ni lumile ku mina sicaba sa Pentekota, kale kafoo. Ki yo fa alimuñwi wa bashimani ba mina ya tile ku to ba mulisana wa mina, naize, "U tahile mwa bulumiwa." Na boni Mulena Jesu ha kwalula meto a libofu; "kueza," mi ali, "toho ya mezi ya nyana kapili." Ni sa na ni lisebelezo za foliso. Kono Ni lemuha kuli Ni lapelezi batu babañata bene ba kula hahulu. Ne ba folisizwe. Mulena a alaba tapelo, mi a folisa bakuli. Kono, mwa ziba, babañwi ba sicaba sani, be ne ba folisizwe, se ba shwile kale. Mi hakuna taba kamba u kula cwani, haiba u folile, u ka shwa, nihakuli cwalo.

Kono moyo wani, muzwale waka yomunde, moyo wani, kezela ka yomunde, kikuli hauna kunahana ka zona cwale? Wani ki wa Kuyakuile. Haiba lilato la Mulimu haliyo mwateni, hakuna se si hoha, kikuli ha u kupi Mulimu kuli, "O Mulimu, uni kalise, sinca, busihu bo. Na Ku lata, Mulena. Ni bata ku Ku lata. Mi sesiñwi mwa pilu yaka si ni bulelela kuli Ni lukela kupila bukaufi ni Wena. Ni bata kutaha, ona fa cwale, Mulena, ni eze cwalo"? Haiba mutu yoo kamba batu bao bateni mwa tuyaho wo kamba fande, Na mi kupa, sina mutanga wa Kreste, ka Libizo la Jesu Kreste, kikuli uka eza fela, ni toho ya hao ye inami, nanula lizoho la hao ku Mulimu ni kubulela cwana, "Mulimu, ni hohele bukaufi, bukaufi, Mulimu yomunde. Ni bata ku zamaelela ni lika kaufela Zo nani mwa Linzwi la Hao"? Amu nunanule mazoho a mina. Cwale mube fela baba sephahala. Munahane fela.

¹⁴² Cwale, bali, "Oh, Ni ezize sa *kuli*. Ni, Ni huwile, mwa Moya. Ni bulezi ka malimi. Kono, mutualime, kuna ni se si tondahala mwa bupilo bwaka. Ni talima mwa siiponi sa Linzwi la Mulimu, Ni ziba kuli kuna ni sesiñwi. Na yanga kwa keleke, kono ha Ni mo Ni swanelia kubela." Mwabona? Seo so bonisa nto, yeñwi.

Cwale, haiba ukona ku italima ili wena ni kubona kuli ha u si ka ba hande ka Linzwi la Mulimu, mi hakuna sika moo se si ka kukonisa kumanula lizoho la hao, kona kuli u ziba kuli ku na ni se si fosahalile. Muna ni. Kuna ni... Boma ne ba bulelanga kuli, "Haukoni kuzwisa mali mwa nyanisi, kakuli hakuna mali ku yona." Mwabona? U nahane fateni, katata luli. Ye ikona kuba kolo ya hao ya mafelelezo. Mashumi amalalu, mazoho a mashumi amane a nanuhezi mwahalimu, sikwata nyana se mo, mane nihaiba bakutazi.

¹⁴³ Mube fela ka likute fa nako nyana. Cwale munahane hande ka tokomelo. "Mulimu Yomunde, Na kona ku bulaiwa, busihu bo, mwa kozi ya fa mukwakwa. Na kona kushwa ka butuku bwa pilu. Leliñwi la linako za kakusasana ze, Na kona kubiza dokota, mi atahe, mi musinga waka ukabe unatela kwa mazoho; Ni kabe niile. Ni beile lilama la ka fa misamo, ni ziba kuli, 'O Mulimu! O Mulimu! O Mulimu!'" Mwabona? Pilu yani isweli kunata la mafelelezo. U taha kwa Munyako tuna wani. Hauna ku zwa mwateni konji haiba u pepilwe sinca ka Moya wa Mulimu. Hauna kuzwa konji haiba ku na ni sesiñwi ku wena, ha se u pepilwe ka Moya wa Mulimu, una ni tala ni linyolwa la kuzwelapili ni Mulimu. Kuswanelo kuba cwalo. Mwabona? U mwana mwa lifasi, mwa mala a mubu, u sa libelezi ku pepwa mwa Mubuso wa Mulimu, koo Ailo ku lukiseza mubili omuñwi, wani ki mubili o petehile.

Cwale munahane hande ka butungi, mi ha lu lapeleni hamoho.

¹⁴⁴ Mulimu Yomunde, sina ha Ni ziba kuli se si ñozwi mwa Buka, yona Piho yetuna! Lu bile ni mafosisa mwa sayansi, Mulena, kuli i lu zuse, ka buniti bwa kuziba kuli muzamao kaufela o lueza wa potoloha ni kupotoloha lifasi, ka nako yeswana lu sa shenya feela. Luna ni zeo fa mazimumwangala. Lu ziba, Ndate, kuli televishini ha ipangi maswaniso, i zamaisa fela ma—ma mata a nyungiwe mwa mupaipi o panga maswaniso. Neba mubala wa liapalo ze lu tinile, libonisa munko o munde mwa mbyumbiyulu, kunjanja kwani kupotoloha lifasi. Kona kuli likezeli za luna li ba cwani ni litino zecwalo zani, inge baeza cwalo, mane kusina neba kuba ni tala; lifateho ze pentilwe, kukuta milili?

Bakutazi baba kona kuya kwa lituto za bulapeli, mwa mukopano omuñwi, "Ni ku amuhela lika za linzwi la mutu, ze eza, ka lizo za bona, zetiseza kuli litaelo za Mulimu li tokwe mata kwa sicaba, ka lizo za bona," ba bulela kuli ba lukela kuba ba siemba sa keleke, mi ku felile.

O Mulimu, kana ba lemuha kuli linzwi kaufela le lu bulela, li pakilwe ka sayansi, kuli li ñozwi fa matapa? Mi li kala ka nako ye lu kala kupila mwa lifasi. Li fela ha lu shwa, mi li beiwa mwa matapa a manzwi a Mulimu, kuli li yo liziwa sinca hape kwa Katulo.

Lu ka banduka cwani, sinyeho ya Mulimu, haiba taba se i ezizwe patalaza fapila luna ibo lwa I kasheza kusili?

O Mulimu yomunde, Manzwi aa ha shwi. A zwelapili ni kuzwelapili. Piho i ka yo liziwa ka Lizazi la Katulo. Ú boni mazoho a nanuhile ani, Ndate. Aka yo ba kwani ka Lizazi la Katulo. Hape, seo pilu ya bona nei nahana, sikaba kwani ka Lizazi la Katulo.

¹⁴⁵ Cwale, Mulimu Ndate, Na Ku kupa, kakuba mutanga Hao, Ni lapela kuli U zuse bumaswe kaufela kwa sicaba sa Hao. *Bumaswe*: sika se lu ziba kuli lu lukela kueza, kono ha lu si ezi. Davida naize, “Haiba Ni pata bumaswe mwa pilu yaka, Mulimu hana ku alaba litapelo za ka.” Na lapela, Mulimu, kuli U zwise bumaswe bwa luna, kakuli Linzwi kona siiponi sa Hao mwa kutalima se si lu bonisa mo lubezi kwahule ni kwa kuba bana babashimani ni basizana ba Mulena. Ndate, Ni lapela kuli U eze cwalo, busihu boo.

¹⁴⁶ Ni kueza aletare yeo, kakuli aletare itezi batu. Ni kuba ni aletare yani, ona mwa sipula mo bainzi mwani, ba lukise lipilu zabona kuba aletare. Mi lifasi ha li zwe ku muzwale kaufela, kezeli mwahali mo. Mi cwale peu nyana ya Bupilo yani, peu ya Mulimu ye lu sa zo ambola zateni, mulelo o zwa ku Mulimu wani, mi i bonahalile mo ku kuteka ni kulumba Mulimu. Mulimu, zwisa lifasi kuzwa fani.

¹⁴⁷ Babañwi, Hani koni kulapela, Mulena, kakuli “matuku ateni aisa kwa lifu,” mi hakuna sika mwani se si ba konisa kushenya. Kono bani baba kona ku zamaya, ni kuziba kuli ku fosahalile, kenisa lipilu za bona ni mioyo ya bona, busihu bwa kacenu, Ndate. Mi ha ba tazwe ka Moya wa Hao, ba zamaye mwa Liseli la Hao.

¹⁴⁸ Fuyola mulatiwa yo, yomunyinyani, mulisana ya nunile, ya bonahal kutiya, Mulena. Mutangana yo, ya susumelizwe, na bulezi cwalo, ka sa na bo Wena u eza. Yena mutangana yomunde yoo, O Mulimu, beya moyo wa hae fa mulilo. Lumeleza cwalo, Mulena. Habe mulisana wa niti, ka tundamo, nako kaufela, ku fepa mutapi o Moya o Kenile u mu ezize kuba mutoneli wa ona. Lumeleza cwalo, Mulena. Mi asike a fetuhela kwa silyo kamba kwa nzohoto, kusike kwa ba nzila ya lituto za bulapeli, hakuna nto isili kwanda Linzwi la Mulimu le li si ka zwakiwa le lizwa mwa mulomo wa hae, mi Lani fela. Mu fuyole, Mulimu, yena ni balatiwa ba hae, ni keleke ya hae kwanu. U be ni bona kaufela, Ndate.

¹⁴⁹ Ni beya se ku Wena, Ndate. Peu i cezwi. Ha I nwele fa peu ye lukiselizwe kwa Bupilo, ni kuhula ka butuna, kuba Bakreste ba ba tille ba puteho ye kwanu, ni liputeho zeñwi ko ba zwelela. Lumeleza cwalo, Mulena. Ni li beya ku Wena, ka Libizo la Jesu Kreste, Mwana Mulimu.

Mi, Ndate, "Na holofalezi libi za luna, na titikezwi bumaswe bwa luna; koto ye lu fumani kozo ka yona iwezi Yena fahalimu; mi halu folisizwe ki ka miupa ya Hae."

¹⁵⁰ Na bona ha ni kena mwa munyako, fa nako nyana yefitile, musali ya katazwa ki kuikalelwa. Mi, O Mulimu, mwa lubasi lwa habo, lika zetuna ze ezahalile, mo U i ponahalisize! Na lapela, Mulimu, ni lapelela musali yani. Zwsisa lika zani kaufela za kale, za bupilo, Mulena, mi u mu folise busihu boo. Kana Uka eza cwalo, Mulena? Mutise ku Wena.

¹⁵¹ Bona cwale, bana babanyinyani ba baninzi fa, Mulena, batokwa foliso, babañwi. Ni lapela kuli U ba folise, Ndate. Lumeleza cwalo. Mi cwale mata a Hao amatuna a folisa a tahe mi alu folise, hamoho cwalo moyo ni mubili.

¹⁵² Mi cwale, ku mina cwale babali mwa keleke mo, kamba kwande, baba tokwa foliso, Ni bata kuli munanule lizoho la mina, muli, "Ni tokwa foliso, Muzwale Branham." Ku bonahala kuli mañi ni mañi wa itokwa. Ku lukile. Kana muka ni lumela kuba mutanga wa Kreste? Muli, "Amen." [Kopano ili, "Amen."—Mu.] Konakuli, Ni bata kuli mubeye mazoho a mina ku mañi ni mañi. Mubeye fela mazoho a mina ku mutu ni mutu. Mu nanuzi mazoho a mina, babali mwahali kamba kwande, mu nanule mazoho a mina, kuli mu balumeli ku Mulimu.

Jesu Kreste naize, tumo ya Hae ya mafelelezo kwa Keleke, "Muye cwale mwa lifasi kaufela, mi mukutaze Evangelii kwa sibupiwa kaufela. Ya lumela... Ya lumela mi a kolobezwa u ka piliswa. Ya sa lumeli uka beiwa mulatu. Mi limakazo ze likaya ni ba balumela; ka Libizo la Ka ba ka leleka mioya; ba ka bulela ka lipuo lisili; ha ba ka swala linoha kamba kunwa sifanu, halina ku ba tiseza kozi; kono, mi ha ba ka beya mazoho a bona fa bakuli, bao ba ka foliswa." Cwale, Jesu na bulezi cwalo. Muhipule, Na bulezi cwalo. Sani sina ni kuba cwalo. Na si ke a bulela cwalo konji haiba kuna ni ya na ka swala Linzwi lani.

Inge fela mba ya Maria mo ne i lwalezi peu, "Mwalanjo uka itwala." Sina kota ya nzalu mo ne i k abupelwa, kota ya oke kuba fa lilundu, Linzwi la Hae kona le li ezize zeo.

Linzwi la Hae la kona kuswala mwa pilu ya hao onafa cwale. "Ni mulumeli, Mulena. Muuna yo kamba musali yo Ni beile mazoho aka ku yena, wa nyanda. Ha ni itapeleli ili na. Kakuli, ba ni lapelela. Na mu lapelela, abe muuna kamba musali. Mi, O Mulimu, mu folise, mu folise ibe muuna kamba musali. Mi Ni mulumeli, mi cwale lu kopani. Lu lutilwe fela kuli ne lu li ni Kreste ha Na zamaile fa lifasi, kakuli lu siemba sa Linzwi la Hae. Ne lu nyandile ni Yena. Ne lu suluzi mali ni Yena. Ne lu shwile ni Yena. Ne lu pumbekilwe ni Yena. Lu zuhile ni Yena, mi luinzi hamoho mwa libaka za Mahalimu ku Kreste Jesu. Mulena yomutuna yainzi mwahala luna, mi Ni mwana wa mushimani kamba wa musizana wa Mulena yo. Mi Ni beile lizoho laka ku

mwana mushimani kamba wa musizana wa Mulena, yasweli ku ni lapelela, mi Na mu lapelela. Cwale, Mulena, alaba tapelo yaka, mi ufolise mwana mushimani wa Mulimu yo kamba musizana wa Mulimu yoo.”

Hamoho, halu lapelelaneñi yomuñwi ni yomuñwi.

¹⁵³ Mulena Jesu, lu taha ka buikokobezo, lu ipulela bumaswe bwa luna. Lu taha, lu ipulela kuli lu swanelu matuku ni lifu, ni maswabi, kono lu amuhela tifo ya Hao ya libi za luna ni matuku a luna. Mi, busihu boo, bana ba bashimani ni basizana ba Mulimu baa, baba inzi mo, ba utwa sikuluho ya Linzwi, ba nanuzu mazoho, mi ba bata muzamao wa fa kaufi. Ba beya mazoho ku yomuñwi ni yomuñwi cwale kakuli ba lumela Linzwi la Hao kuba la niti. Ba lumela kuli cwale lu zuhile ni Kreste, lu inzi mwa libaka za Mahalimu ni Yena. Ba beile mazoho abona ku yomuñwi ni yomuñwi, inge ba lapelelana.

No ize, “Tapelo ya tumelo ika pilisa ya kula, mi Mulimu uka mu zusa; mi haiba u ezize sibi kaufela, si ka mu swalelwa. Muipulele libi za mina ba bañwi ku ba bañwi, mi mu lapelelana, kuli mu fole. Kakuli tapelo ya mutu ya lukile ina ni mata a matuna ha i ezwa ka kutukufalelwa.” O Mulimu wa Kuyakuile, utwa tapelo ya batanga ba Hao.

Mi cwale, ku ñozwi hape, “Haiba sicaba, se si biziswa Libizo la Ka, ha si ka kopana hamoho, ni kulapela; mi Ni ka utwa nili mwa Lihalimu.” O Mulimu, utwa tapelo ya bana ba Hao busihu boo, kuzwa kwa Lihalimu. Luma Moya o Kenile fa sicaba se, inge moyo wa liñungwa. Mi lutisa sicaba se fapila Mulimu.

¹⁵⁴ Satani, u komilwe. U sibupiwa se si komilwe. Jesu Kreste na ku komile fa Kalvari. Hauna mata. U mupumi. Lwa hanyeza lizoho la hao busihu bo. Ka Libizo la Jesu Kreste, muzwe mwa sicaba se mo, mina makulano ni matuku. Mi ha ba zamaye, ba lukuluhile, ka Libizo la Jesu Kreste, yena Mwana Mulimu.

¹⁵⁵ Haleluya! Mwa utwa kanya ya Mulimu! Mwa utwa tapelo ya mina ha i alabiwa. Wa lumela kuli Mulimu na alabile mutu yainzi bukaufi ni wena? Ki ba bakai baba lumela cwalo? Munanule mazoho a mina. [Kopano ya nyakalala—Mu.] Ki fo he cwale. Oh, kihande!

Na Mu lata, Na . . .

Ni mazoho a mina mwahalimu cwale, mu iopele ku Yena, ka lipilu za mina kaufela.

Kakuli U latile pili . . .

Kikuli mutualusa cwalo, ka pilu ya mina kaufela cwale?

¹⁵⁶ Ki babakai ba mina baba ikutwa kuli Mulimu u swalezi bumaswe bwa mina, lika ze mu ezize? “Mi kuzwa busihu bo kuya kwapili, O Ngunyana ya Mulimu, Ni sepisa ku zamaya ka kuluka. Ni ka zamaya ka likute la Libizo le Ni biziswa ka lona, kuli Mukreste, bupilo bo bu swana ni Kreste. Ni ka nanula

mazoho aka, Mulimu. Ni ipa ili na ku Wena, busihu boo. Ni ka zamaya mwa Liseli.” Amen.

Lu ka zamaya mwa Liseli, Liseli lelinde,
Le litaha ko ku fumaneha maloteli a sishemo
ni abenya;
Libenya mwahala luna, ka musihali ni busihu,
Jesu, Liseli la lifasi.

Luka zamaya mwa Liseli, le ki Liseli lelinde,
Li taha ko ku nela maloteli a puka . . . (Ko Ailo
lu lukiseza sibaka.)

Libenya mwahala luna, ka musihali ni busihu,
Jesu, Liseli la lifasi.

Amutahe, mina baba kenile kaufela ba Liseli
mubulele muli,
Jesu, ki Liseli la lifasi;
Niti ni sishemo ka Libizo la Hae,
Jesu, ki Liseli la lifasi. (Luka eza sikamañi
cwale?)

Luka zamaya mwa Liseli, ki Liseli lelinde,
Le litaha ko ku fumaneha maloteli a sishemo
mi abenya;
Libenya mwahala luna, ka musihali ni busihu,
Jesu, Liseli la lifasi.

Oh, kana ha mu ikutwi ku kubuha, ku ikutwa hande? Oh,
mawi! Halu swalaneñi mwa mazoho, halunze lu opela hape.

Luka zamaya mwa Liseli, ki Liseli lelinde,
Mutahé ko . . . (Mulimu aku fuyole,
muzwale) . . . sishemo mi abenya;
Libenya mwahala luna, ka musihali ni busihu,
Jesu, Liseli la lifasi.

Ha lu itimeñi kwa meto mi lu i ñuñune. [Muzwale Branham
uñuñuna Jesu, *Liseli La Lifasi*—Mu.] Luka eza sina banana. Lu
banana.

Oh, ki Liseli kwa bunde,
Mi Li taha ko ku nela maloteli a puka ya
sishemo mi abenya;
Oh, libenye mwahala luna, musihali ni busihu,
Jesu, Liseli la lifasi.

Kana ha mu Mu lati? [Kopano ili, “Amen.”—Mu.]

Tumelo ya ka italima Wena,
Wena Ngunnyana ya Kalvari,

Mukwale fela meto a mina mi mu iopele. Mulapele
mwa Moya.

Mupulusi Yapahami;
 Cwale utwa ha Ni lapela,
 Zwisa sibi saka kaufela,
 O ku zwa kacenu
 Ni be wa Hao kakutala!

Ha Ni zamaya mwa manyando a bupilo,
 Ni maswabi ani beya mwahali,
 Oh, Wena ube Muzamaisi wa ka;
 Fetula lififi libe musihali,
 Takula miyoko ya maswabi ku na,
 Si ke na latehela
 Kwa hule ni Wena.

¹⁵⁷ Oh, mawi! Ni ziba kuli Ni mutu fela wa kale. Na lata...
 Ni sepa kuli zeo kaufela lina ni ze nca kuzona, ze lemakilwe,
 mulilelo wa bukuba ni rock-ni-roll, ka limaili ze lule. Baloki
 ba kale bani bene ba ñozi lipina zani, Moya o Kenile baswelí
 siñoliso sani, ba kala kuñola. Oh, mawi! Ni nahana ka Eddie
 Perronet ni bani kaufela; ba batuna! Fanny Crosby: “Si ni fiteleli,
 O Mupulusi ya musa, utwa kulila kwa ka kwa buikokobezo.”

¹⁵⁸ Nako yeñwi ne ba lika ku munga. Na si ka—na si ka eza sina
 ba Pentekota bo Elvis Presley, kulekisa tukelo ya hae ya kupepwá
 bakeñisa busafa bwa ma Cadillac. Musali... Ba taha ku yena mi
 ne ba bata kuli añole—añole lipina za lifasi. Ki hali, “Ha ni koni
 kueza cwalo, ka sika kaufela.”

Ali, “Kiñi, u sibofu. Ha u ka fita kwa Lihalimu, u ka Mu
 ziba cwani?”

A fetuha, susumezo, kaewalo ali:

Ni ka Mu ziba, Ni ka Mu ziba,
 Ni yeme kwa tuko a Hae Ni liuluzwi;
 Ni ka Mu ziba, Ni ka ziba (Cwani?)
 Ka mañiba a limapo mwa... (Ka manzwi
 amañwi, “Ha Ni sa Mu boni, Ni ka utwa
 lizoho la Hae.”)

Ni ka Mu ziba, Ni ka Mu ziba,
 Ni yeme kwa tuko a Hae Ni liuluzwi;
 Ni ka Mu ziba, Ni ka Mu ziba
 Ka mañiba a limapo mwa lizoho la Hae.

¹⁵⁹ Kikuli ha i mi latisi Yena? U i lo lu lukiseza sibaka! “Mi
 haiba Ni ya ku yo lukisa sibaka, Ni ka kuta hape, ni to minga
 mube ni Na.”

¹⁶⁰ Bana baba nyinyani mwa makateñi cwale, ha mu utwe litaelo
 za Mulimu. Mi mulisana, fa, haiba hakuna ni yomukana wa mina
 yakile a kolobezwa, mezi a ka ba lukile. Ni—ni kuba wa siemba
 sa keleke, kamba kaufela so bata kueza, kamba sika kaufela,
 u si eze. Haiba hauna kolobezo, ona Moya o Kenile, bo kona

busihu bwa ku I amuhela. Kana ha mu lumeli cwalo? [Kopano ili, "Amen."—Mu.]

¹⁶¹ "Oh," mu li, "Muzwale Branham, seli busihu. Ubile ukatalize nako yetelele hahulu."

Paulusi na katalize busihu kaufela, busihu bobuñwi, ona Liñusa leli swana le. Mi mwananana... Mutangana a wa fa limota ni kushela ona foo. Mi Paulusi, a tozizwe hahulu ka Liñusa la mufuta o swana lani, a lobaza mubili wa hae ku yena, mi bupilo bwa kutela ku yena hape. Yena u sali "Jesu Kreste yaswana maabani, kacenu ni kuyakuile."

Kana ha mu Mu lati? [Kopano ili, "Amen."—Mu.] Kifo, hañwi fela, ni mazoho aluna a nanuhezi mwahalimu, "Na Mu lata. Na Mu lata."

Ukai mulizi wa piano? Kwani, haiba ukona, kezeli, kamba ki mañi kaufela. Lufe munembo nyana, haiba wakona.

Ki babakai baba Mu lata? Mu nanule fela mazoho a mina. Muli, "Na Mu lata luli. Na Mu lata fela, ka—ka pilu yaka kaufela. Na Mu lata."

¹⁶² Cwale ha lu iopeleñi fela, kwa kanya ya Mulimu. Cwale, ni meeto a luna a itimile, mazoho a luna ananuhezi kwa Lihalimu, "Na Mu lata. Na Mu lata." Lwa lapela. Ha u kutaza, ni kupumaka, ni kupazaula, ni kuhoha cwalo, wo ki mulyani wa sela Mulimu mwahali, mi wa kufolisa fela. "Kuna ni Mulyani mwa Giliadi, wa moyo." Halu i opeleñi cwale. Lufe munembo.

Na Mu lata, Na Mu lata
Kakuli U ni latile pili
Ni kuleka puluso yaka
Fa kota ya Kalvari.

¹⁶³ Mi haiba... "Ka se batu kamukana ba ka ziba kuli mu balutiwa ba Ka, ha mu na ni lilato, ku yomuñwi ni yomuñwi." Yeo ki niti. Haiba ha lukoni kulata yomuñwi ni yomuñwi ye lubona, kana lu ka lata cwani Mulimu Yo lu sa boni?

Na Mu lata,

¹⁶⁴ [Muzwale Branham ubulela ni muzwale fa katala—Mu.] Mulimu aku fuyole. [Muzwale uli, "Kakuba mo busihu bo ki likute luli lelizwa kwa Lihalimu."] Ni itumezi, muzwale. ["Ki nto yende luli."] Cwale, Ni sepa kuli keleke, mañi ni mañi, u tiisizwe. Nji cwani? ["Eeni. Luli."] Mulimu aku fuyole, Muzwale Boone. Ni ka sikululela kopano ku mina. Mulimu ami fuyole.



LIKA ZE KABA TEÑI LOZ65-1205
(Things That Are To Be)

Liñusa le ka Muzwale William Marrion Branham, neli kutilizwe lwa pili mwa Sikuwa la Sunda manzibwa, Ñulule 5, 1965, ili fa First Assembly Of God mwa Rialto, California, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org